


善生福終正路



天主降生一千七百九十四年

善生福終心路

遠西耶穌會士陸安德述

天主降生一千九百十二年

江南主教姚准

上海土山灣重印

自序

凡在教之人其功不可不盡而其福亦極其盛大此福非他福可比乃神福也但既是神福無像無形人鮮能明徹其理故聖教中有如許神福猶山中有如許寶藏特人不能識之耳惟不能識之是以輕忽之以爲無用之物卽用之亦懵懵而混用之終無益也善取寶者掘開深鑛勿辭勞瘁旣得其寶種種具備而心始快夫積善功求主祐亦猶

是也不如此則神福不爲我有愆尤日積主必加
罰矣吾主耶穌嘗取譬以訓宗徒云昔有國王將
巡所屬國詔臣十人各授以厚貲且諭之曰慎之
勤之理吾業而倍吾財及歸召臣問之一臣云臣
受一加十以報王也王喜嘉其勤勞賞治十城一
臣云臣受一加五以報王也王亦喜嘉其勤勞賞
治五城又一臣云臣已知王之森嚴前無稼而尙
欲收之臣不敢輕用謹藏之今送歸王王怒而重

罰之焉由是觀之財亦貴於善用耳能善用之以財加財况神功乎能善用神功則亦因福而加福也可知神功乃無價之寶其實何在彌撒是也彌撒包涵吾主萬功聖體卽是吾主及吾主萬美好之所聚告解補贖然後敢領降臨吾人心中爲永福之行糧求聖母者因聖母爲吾人所倚賴必允我所求也總之吾主耶穌苦難乃萬寶之根源聽講天主道理及看聖教諸書是學取寶之法祈求

是掘鑛之功苟不能修身理家此心擾亂必不能
得此寶不得此寶卽無功可登天國矣余故作爲
此書引導善生福死先論修身理家後論聽講天
主道理及看聖教諸書再三開諸般寶藏分別其
善用之法終指福死之方凡我同志幸留意焉毋
視爲迂遠而棄之也

遠西耶穌會士陸安德

撰

卷上目錄

修身之法

見五張

理家之法

見十一張

祈求天主之法

見十五張

看書聽講之法

見三十九張

解罪之法

見四十五張

聖體畧說

見五十九張

彌撒奇妙事情

見七十一張

卷下目錄

恭聖母大益畧說

見八十一張

吾主受難不可忘

見一百十三張

福終之法

見一百四十一張

善生福終正路卷上

遠西耶穌會士陸安德泰然甫著

吾人常常當深想永遠無盡之事。永遠無盡之事有兩樣。一樣在天堂。一樣在地獄。天堂是永福之所。地獄是永苦之所。永福是諸美好。諸善樂。無邊無盡之海。無窮榮福寶座。無限光榮之冕旒。無夜之晝。不盡之樂。諸願欲之飽滿。諸福永遠齊享受。不雜毫凶。不危失。不變更。沒有盡頭。永苦是常受暴死諸苦。在不滅火海內永燒。諸苦衆難一齊都受。無改變。無輕減。無停歇。又不減一些苦。沒有盡頭。今人將一手指。在火裏燒。尙忍不得。何能永居地獄火中。是以世人。該早作善謀。以免永苦而享永福。多默木樂大賢者。居高位時。國王使他背聖教。他不從。國王大怒。囚而將殺之。其妻勸他順國王命。尙得安樂幾年。木樂應諾。

說。我順國王。有幾年安樂。其妻云可二十餘年。木樂云。爾真是愚蒙。使我散去。無窮盡榮福。換二十年安樂。

有一罪人。不肯做苦功。受罪罰。聖女裏都意納同他說。我替爾受罪罰。爾今夜單睡在鋪蓋上。不要轉動。他笑以爲容易。及至睡時。自安不得。便要轉動。乃說。一夜不轉動。尙忍耐不得。如在荆棘上睡一般。又自思說。我今在柔軟鋪褥上。還不得安。這一夜像似一年。我既有罪該下地獄。在火中永燒。何能當受。畢竟要管我靈魂。我得罪。自然該受罪罰。於是卽去修道。多做苦功。學福死之法。以免永苦。

永福永苦皆係屬於死時頃刻間。死又係屬於生平之時。凡人善生。則必福死。若是惡生。少有福死。所以人皆當善生。方能福死。善生卽是守十誡。但人自染

原罪之後。其性軟弱。難以作善。易染於惡。每有阻碍。況有三讐引誘。必須勤用多工。堅心向善。方能易守。如破屋須用木撐。如師戰可整利器。豈有不可用力。發奮爲善生諸理。一是修身。二是理家。三是祈求。四是看聖教書。五是聽講。六是解罪。七是領聖體。八是聽彌撒。九是懇求聖母。十是向吾主耶穌釘十字架。後。纔講福死之法。

善生福終正路... 卷上

修身之法

世人最緊要事。是顧自己靈魂。吾主說。若人得天下。散失自己靈魂。有何利益乎。死時一些帶去不得。尙要下地獄。受永苦。故須要修身。修身卽是守十誠。成智義勇節四樞德。又十四哀矜之功。及超性三德。但守十誠。成諸般善德。立我心志。須勉強發奮。其功甚多也。

一、是想天主生我。令我在世上時。勤積功勞。可得永福。我行天堂路。不可微錯。寧受萬苦而死。不可犯十誠。犯者下地獄。受永苦。永福永苦。須常懷心中。凡起念頭。發言語。做百工。常要向天堂永福。

二、遇患難時要忍耐。想是吾主耶穌。所開天堂正路。吾主受難。先爲引導。若遇平安。用節德。不享過分之樂。

三、始發言及初行百功時。必先要想善言善行之法。

四、用心看顧上下左右之人。凡施與衆人。當施其所該施。

五、心中常懷吾主耶穌苦難。及聖母哀矜之情。而求爲托賴。

六、不可空閒。多瑪斯聖人說。空閒是魔鬼的釣餌。若無事。依理放心安息。一些歡喜亦可。但歡喜時。不過消散煩悶。養蓄氣力而已。不可過度。要得其時。得其理。聖若望。同門徒安息歡喜。一人帶弓箭行過。見聖人歡喜。心內怪異。聖人知其心。叫他拉弓。他便拉。聖人說盡力拉。他亦盡力拉。聖人說再拉。他說若又拉。恐壞弓。聖人說。人之心亦是如此。若過用急切。未免損傷。奉事天主。若得空。可歡喜一時。隨又發奮。奉事天主。方能長久。

七、雖無人見時。益當謹慎。人尙不敢在善人之前。作不善事。而敢在天主前作

之乎。天主無所不見。護守天神亦見。故人不可私居作不善之事。入。要定每日神功。初醒時。卽立志誠心奉事天主。凡作工夫。念頭言語。都爲中天主意。以得永福。定心行善。求天主寵照。及至下牀。就念經祈求。得閒便聽彌撒。凡作事不拘何工。都該用心善行。做完。察果善否。不善卽當痛悔。善卽謝主。將此善。同吾主耶穌功勞。奉獻於天主。飲食時。立定心志。養此肉身之力。爲能奉事天主。卽想吾主在十字架。啖苦味。便不敢貪食好味。謝天主養我罪人。便不敢放肆過於飲食。但使足以養氣力而已。又每日行事。想到死後。積不得功勞。悔不得罪。不能改過。卽該發奮在今日行之。晚間將睡之時。省察後灑聖水。想睡時節或死。曾善備福死否。預想明早起身時。該默想何端。睡時須莊重守之。

九、該克己七情。吾主說。強壯克己。得天國永福。若魔鬼引誘。卽時逆逐。聖經說。擊去魔鬼。魔鬼卽退。若不順他。必不能加害。若有得罪天主。速痛悔解罪。

十、雖沒有大罪。每月該兩次解罪。一次領聖體。領聖體時。立心改過遷善。今月必要改某項罪過。遷某種善德。瞻禮之日聽講道。看天主聖教書。

十一、與人交接。當真實。行動合禮節。待人要良善慈恕。待己要嚴勵克責。不善朋友勿與交。如虛假不忠驕傲譎佞。無恒貪利等人。當避之。若真誠良善。忠直謙和。恒心不發人陰私之事。如此等朋友。俱可愛可敬。當與之相交。若見友有大罪。不可過責。不可傳說。暗地勸他改過。若不聽。漸漸離他。若改。加愛敬他。若有小罪。從容溫語勸他改。若不改。暫忍受之。我若有罪。要聽好友勸改。同好友合心奉事天主。傳天主聖教。若朋友非理害人。不改過。速離之。若他引我同行。

非理之事。決不可從。若友有難。可救濟他。善友是寶藏。尤該尊貴。若舊善友不可棄絕。

十二、凡買賣不可騙人。不可受非理財物。騙他人財物。是騙害了自己靈魂。聖人方濟各去買一物。其人騙他。聖人說。爾好用心。恐騙了自己。彼人笑說。何爲騙己。聖人說。爾今騙我銀。不過小事。然害了自己永福大事。可乎不可乎。

十三、遇吾主聖誕。及四十日大齋內。聖體大瞻禮。聖母聖誕先後。可察己所行善否。及遇得罪危險之所。躲避否。與有爲善機會。勤謹爲否。又想若今臨終。到了我死的時候。如何誠意遷改。在生當如此準備善行之法。亦察罪根惡習。心內邪情。都該拔去。每晚未睡前。須想若今睡時死。可以善死否。

善生福終正路…卷上修身之法

十

理家之法

天主賜我爲一家之主。不免要審我善理家否。必該管其家人。令奉事天主。不做魔鬼之奴。凡家人做諸般好事。皆由家主善理其家來。做諸般不美事。皆由家主不善理其家來。家主雖是好人。若不理家人善惡。單有此罪。不免下地獄。理家之法有多端。一、是家主當作善德表樣。若家主先不循理。家人安肯行善。二、是家主須使家人守修身之法。家人有過。當依理責罰之。倘有侮慢天主。及拜佛菩薩等邪教之事。是極大之罪。該重重責罰。三、是家人病重。令他解罪。方能善死。亦要醫治他。照顧他。四、是該用良善之心。慈愛家人。每各施其所該施。則家人亦愛敬家主。甘心率教從命。五、是第一要看家人都守十誡否。察其解罪否。又須查其善惡。善事令其常爲。惡事命其速改。早晚率其念經祈求。看聖

教書。瞻禮之日。要聽彌撒聽講。若其中有遵教規而爲善者。加愛而賞之。若屢次犯重罪不改。要同賢者商議。該如何行罰。六。是不可使家人空閒。亦不可使他辛苦太過。七。是當管束家人。和于鄰里。不可將家中事。傳與外人知。家中人亦要相和相愛。若相和相愛。天主便在家中。八。是常常祈求天主。爲家中衆人善行。九。要照管幼年之人。離遠他的視聽。使不看不善之事。亦不聽不善之言。不交不善之友。何也。因爲幼年人。易染於惡。習熟後難以改。故當用良師賢姆教訓。以漸成其善。有一國王名亞勒山德。大。因其幼年。學乳母醉酒。及長成。改不得。若父母有不善的表樣。尤害其子矣。十。是幼年人要教他怕得罪。並愛敬天主。及守貞潔謙讓。忍耐義德。憐恤窮困而施濟之。不敢短少人工資。從小教他念經。向吾主苦難。望聖母如子望母親一般。求本名聖人。護守天神保佑。至

七八歲便教他解罪。學聖教緊要事情。要用心管其靈魂。看他性情不甚好。須從容引他改。責他不可過迫。亦不可過緩。要令其知愛父母。亦知懼父母。不令他閒。須定讀書之規。及頑耍之時候。十一。家人升天堂下地獄二大事。大半關係於家主。若不勸戒其善惡。非是小罪。今重害他人肉身。猶是大罪。若重害家人靈魂。安得不是大罪。

善生福終正路 卷中理家之法

十四

祈求天主之法

祈求天主。是立定心志。對越於天主稱讚天主事情。求賜寵祐。祈求之奇妙有五。

一、祈求是最上工夫。立志要想天主心內上通。超於世物之外。在天主前。稱讚天主事情。通我願欲於主。奉我心。獻我情。承行天主聖旨。懇求善事。而望准我所求。如此祈求。則天主善德。深合吾心。必然成我善人。譬相交善友。亦習效其善。况對於天主至聖之前。豈有不效其善乎。亦有時發現於外。粹然光明。如梅瑟聖人。祈求時面上發光。人不能視。但少有熱心祈求。倣效主德。改過遷善。是以莫能上通耳。若人只務念經。並不改過遷善。其爲自誤也何如。

二、祈求心中畧享永福之味。受極大快樂。蓋享永福。是明見天主。畧享永福。

是默想天主事情。所以聖人於世上快樂。卽是祈求天主之時。聖人安當。終夜跪祈。一夜如同一刻。聖人方濟。各沙勿畧。亦終夜祈求。其心充滿快樂。但在世上。猶是世人心。淺窄難以容受。所以開衣高聲云。吾主已滿足矣。吾主已滿足矣。

三、祈求有大益。天主賜寵祐諸恩。皆因祈求施於人神內。吾主說。凡事求天主。皆得遂意。又指引善求之法云。求天主聖父。若稱我名。就是求天主。看吾主功勞。便准所求。吾主又勸衆宗徒敢求云。爾們未曾稱我名求聖父。敢求就得所求。但不可求看己之功勞。如此傲心去求。不得所求。或說我求天主不得遂意。不知何故。答曰。或我不善求。或差錯求。就是所求。反害我事。天主愛我故不准。卽賜與我別樣好事。天主斷不辜負人之求。有許多聖跡。今畧講一二。

昔古教民。同讐人戰。聖人梅瑟。在山上求天主。卽勝。止息不求。卽敗。後告知聖人。便常常求。於是全勝讐人。

聖大尼老。主教者。常諫國王。王憎之。特命二人告其占奪。王責聖人。聖人云。是我在他父買來。給主堂用。但未有文書耳。其中人畏王。不敢証。聖人云。求寬三日。命伊父証。他父已死三年。王及衆臣微哂云。爾且叫他來。聖人齋戒三日。祈求天主。乃往開其墳。替主命其復活。其人卽活。同聖人往見王。明証其實是賣與聖人。已得價足訖。且責其二子妄告。王及衆臣見之。皆驚駭。聖人問云。爾還願居世。亦准爾。彼云。謝天主。我已得好所。不願在世。願還原處。求主爲我。於是當衆前。遂入墳內矣。

聖人貌。利畧。亦是主教者。做彌撒時。有人告他說。有孩子臨終。請去傳聖油。聖

人做彌撒稍遲。孩子已死。聖人恐已有罪。心中甚愁悶。遂棄主堂過海。別處修道。重罰已罪。過海時。堂中鑰匙。落在海中。聖人說。是天主意思。就許願。若鑰匙不轉到我手。我斷不回堂。其教中人願見神父。遣許多人遍處尋覓。及至七年之久。有一尋覓之人過海。見一魚躍船上。將魚剖開。見腸內有主堂鑰匙。心疑爲聖人已沉海死矣。及過海。偶到一修道家。遇見聖人。卽求他回堂。他說我已許願。若不見天主堂鑰匙。決不回。其人將鑰匙送上。聖人回堂。惟下淚不止。祈求天主。賜孩子復活。後開墓。替主命他活。果復活。聖人爲傳聖油。及長大。教他天主聖教諸端。聖人死。他替聖人主教。

四、祈求是緊要之事。吾人在世。居三讐中。若不求全能天主保佑。安能得勝三讐。一是魔鬼。又極多。又利害。有多般巧術騙人。二是世俗。卽是世人。差用之思。

念與所行。若人不順從則笑之。或侮辱之。若人順從。逆理妄爲。如急灘中船。任其順流。必至破壞。三是肉身。五司七情。擾亂于中。如城外。既多敵人。城內又有奸宄。倘一開門。敵卽入城。是肉身開五司七情之門。魔鬼世俗。卽來害人神魂。且人自染原罪後。又甚軟弱。如無天主寵祐。不能勝三讐之誘惑。要祈求全能天主保佑。方可得勝。所以聖多瑪斯說。人若不祈求。如與人師戰。不持兵器。又賢者說。人若一日不祈求天主。是最可驚之事。

五、祈求是極易之事。或說念經祈求不難。但默想祈求爲難。不知念經亦要默想。若念經不想。是如鵲噪。但念經默想。俱是靈性所當用之工夫。故不是難事。今祈求既最高最有益。又最緊要最易工夫。抑且心中受享大樂。豈可不專務祈求。

祈求之法有四

一、祈求。是。高。上。工。夫。可。堅。心。立。志。在。主。前。祈。求。時。不。但。要。以。爲。我。跪。在。天。主。聖。像。前。亦。要。信。天。主。無。所。不。在。今。我。真。正。跪。在。天。主。前。謙。心。敬。拜。如。古。聖。亞。巴。耶。說。吾。是。塵。灰。之。人。同。至。尊。天。主。講。話。如。聖。經。所。云。一。個。罪。人。在。天。主。堂。不。敢。仰。面。但。俯。首。拊。心。說。哀。憐。我。罪。人。

二、奉我之心。及我之念頭。我之願欲於天主。棄去世上一切思念。

三、熱心祈求。如窮人在富貴人門首呼號。

四、祈求天主加寵照。能善祈求。這四端。祈求之先。或是念經。或是默想。常常要用。

念經祈求。總牘內最多精妙的經。不須再寫。若沒全總牘。有小總牘亦殼。

念經時。要想所念經言。通達經中之意。或想我是罪人。在天主面前祈求。或想天主慈悲。或想天主義德等事情。堅心望准我求。定改罪過。首先定志。改其常犯之罪。不可妄想。妄視。或看聖像。或看地下。須莊重誠敬。不可作模樣。不可輕易咳唾。在天主堂。益當戒慎。

默想之法

默想是神靈工夫。深想道理。窮究明白。而善用七情。懇求善德。去凶惡。心內勤求。口不出聲。默向主前。如有罪之人。向慈悲之主。默想十誡教會四規等善德之法。必要明白誠內之意。察己守得。那一誠。若守了。謝天主。若未守。痛悔定改。求增寵祐。

默想四末。死候、審判、地獄、天堂。想那一末之道理。懼那一末所有之凶惡。望天

主准免。求賜寵祐。可爲善備。

默想信經。要深明那一端。驚異所可異之事。愛慕所可愛之事。憎惡所可惡之事。羞愧所可愧之事。定心善行。謝天主恩。今列各端默想法於後。

默想十誠表樣

一、欽崇一天主萬有之上。想我立心必要欽崇天主。察會守此誠否。天主是至尊至大。可愛可敬至極。我反以冷淡傲心去拜可乎。卽當痛悔我罪。定心改過。熱心愛慕謙恭拜謝。

二、毋呼天主聖名而發虛誓。想極當恭敬天主聖名。察有非理之誓。便是輕忽天主聖名。若發虛誓。益欺慢至真實之天主。痛悔定志遷改。求寵祐恩庇。各誠俱作此想。教會四規。五司亦作如此想。如想天主賜我目。爲依理看。察有縱視

非理。卽痛悔定心。莊視嚴拒邪視。罪宗七端。亦如是。想如想驕傲。是魔鬼之事。情。察我有驕傲否。若有痛悔定改。遵守謙讓。聖教諸善法。皆當作如是。想。

默想四末表

默想死候第一末

首分想。人死魂離肉身。盡棄世上一切所愛。肉軀朽爛。靈魂定要赴主前審判。豈不可輕賤諸般暫時之事。而慎謹顧靈魂之事乎。二分想。人定有一日死。但不知死之時候。不知如何死。不知善死否。豈可不懼。若忽然惡死。能免下地獄乎。三分想。死單是一次。若一次差錯。不能有第二次。可遷改而得善死。聖人尙畏之。况吾罪人。豈不可畏。望爲吾主寶死之功。望聖母轉求天主。賜我善死。倘今卽死。察心中或有何等罪惡。須堅定決去解其罪。又想缺何善德。阻我不得。

善死。必求此善德。方能得善死。

默想審判第二末

首分想。至智天主。詳細審我。至義天主。威嚴判我。若判下地獄。魔鬼卽拉我下地獄。豈不可怕。二分想。我昔日之罪。不知天主會赦我否。審判時。不得痛悔己罪。用不得吾主功勞。求不得聖母。何爲不怕。三分可想天主慈悲救我。須用吾主功勞救我。懇聖母代我轉求天主。每日省察。我之念頭言語工夫。審判之時。都要呈露。今當早定。思念言行。俱當依理也。

默想地獄第三末

首分想。下地獄。五司受百般苦。目見可驚可懼之形。耳聽諸痛苦傷慘之聲。鼻聞諸污穢之臭。口常啖萬種毒味。身軀常在烈火中。二分想。若我明知已有大

罪。如何不懼。何能安心。卽不記得已有大罪。亦不可不懼。聖經說。誰人真知己。沒大罪。三分想。我能忍受永遠火中燒否。不然要豫先爲計。能免下地獄。故要每每痛悔解罪。向吾主五傷。懇求聖母。爲我等罪人。今祈天主。及我等死候。

默想天堂第四末

首分想。天主生我。爲享天堂永福。天上萬福。都是與我永享受。我心所願。諸般之福。都一齊享受。滿足其心。又此福永遠。總無窮盡。必可立志。直行天堂之路。二分想。吾主被釘死爲我。能得享真福。惟恐得罪。失此大福。辜負吾主苦難。三分想。天主無窮慈悲。及吾主五傷之功勞。聖母之托賴。方能望吾主賜我昇天。定心做本分。守十誡。行天堂之路。心中常想望天堂永福。百般工夫。都可行。爲得永福。定戒諸般邪樂。忍受苦難。爲得永福之報。

默想信經之表七端

默想我信全能者天主罷德肋造成天地第一端

首分想。天主從無物中。一命就成天地人神萬物。便驚異天主全能。一命就成許多大事。觀天地之大。萬物之美麗。日月星辰之光。百穀珍饈美味等事。便驚異天主本性。超出萬妙之妙。豈可不愛。二分想。天主生天地萬物爲我用。生我爲奉事天主。得享天堂永福。用物須察這物。阻當我服事天主。走天堂之路否。若見阻當這大事。是如這物有毒藥在內。則不敢用。若無阻當。憑我用。愧因我享用萬物。反犯天主之命。痛心慄悔我罪。定心愛天主萬物之上。三分想。萬物是爲我走天堂路用。用物該想直行這路否。若我單想用的物。不想謝天主之恩。不想走永福之路。吾人何分別於禽獸。單見眼前之事乎。求加寵祐。爲恒心。

奉事天主。走天堂路。

默想我信其惟一費畧耶穌基利斯督及降生

第二端

首分想。天主聖子。哀憐吾衆。降生贖我。便驚異全能天主。做我軟弱人類。在上同人相交。便驚異吾主無限愛我之情。深愧我無情之人。忘此大恩。二分想。吾主在世的時。戒諸般世樂。忍耐諸般世苦。謙讓溫良。與人爲友。爲諸德表樣。爲吾人從順吾主。直行天堂之路。三分想。順從吾主表樣。是我之極大光榮。因爲吾鄙賤罪人。效至尊天主萬德。得罪的時。爲魔鬼之奴。今從順吾主。爲天主孝子。豈不是大光榮。

默想我信其受難第三端

首分想。吾主受許多苦難。許多侮辱。被釘死爲我。便驚異吾主萬福之源。至善之主。受許多苦擔我罪。如罪人被釘死。二分想。吾主無限至情。愛我贖我不做魔鬼之奴。專望用吾主萬苦。以得昇天。深愧我常得罪。是如又釘吾主十字架一般。羞愧定改。三分想。吾主生我。故真是我之主。雖我受萬苦致命。亦是分中。之所宜。况吾主既被釘死贖我。若但以我之驅體受萬難。屢次致命。必不能報答天主之恩。但奉吾主大苦。同我輕苦。方能還謝。求增寵庇。庶不辜負吾主之苦。

默想我信吾主自死者中復活及昇天第四端

首分想。吾主耶穌復活。滅諸傷。單留五傷與我看。明知主愛我無窮之情。而望赦我之罪。看吾主復活之諸美福。驚異歡喜。而望日後。也賜我復活。受福光美。

麗。二分想。吾主昇天。衆天神聖人。認耶穌爲天地真主。敬拜讚誦。便驚異吾主光榮之福。無限之權。無量之高位。而愛敬之。三分想。吾主昇天。開天堂門。爲我能進。我乃懈惰不肯進。今定勤守十誡。行天堂路。奉我愛欲。諸情於吾主。不可愛世上之事。以分其心。專務求寵祐。

默想審判生死者第五端

首分想。審判之先。種種凶兆可懼。天下處處相亂相殺。多降災荒。人民餓死。瘟疫盛行。全地大震。海水流溢。多方沉滅。天文變易。後降大火。焚世人物。驚怕世上人物。化作灰塵。二分想。主命衆人復生。到審判之處。吾主耶穌降來審判。賞善者昇天。罰惡者下獄。驚懼吾主嚴威審察。聖人常畏。况我罪人。豈有不畏。三分想。吾主豫告我先備。又施與我無限功勞。爲我用。免下地獄。羞愧我貪世上

不久之事。定志改過。須望天上永福。將我百工。司主無限功勞。奉於天主。爲能補贖我罪。求吾主加我寵祐。

默想我信有聖而公聖教會諸聖相通功第六端

首分想。我在聖教中。有許多奇妙之事在其中。若人善用作得聖人。有許多人善用。積奇妙善德。已成聖人。二分想。教中人同在天堂聖人爲弟子。有相通功。看許多兄弟。成善享福。深愧我不會改過遷善。定心成善。効天上兄弟。又世上無罪人。亦是兄弟。俱有相通功。三分想。在煉罪地獄之靈魂。火中煉其罪。亦是。我之兄弟。羞愧我忘在煉獄兄弟。定做苦功救他。今奉百工。同吾主功。及諸聖人功勞於天主。求天主看教中人功勞。哀憐我。保佑衆生死者。

默想吾信肉身之復生我信常生第七端

首分想。日後衆人本身都復生。善者之體有福光。常享萬福。惡人之體有火燃。常受萬苦。總不能損壞。便驚異善人卑賤肉身。在世上受許多苦。復生變成極尊貴之軀。且有福光。傷壞不得。二分想。我若做本分守誠。日後亦可復活受福光。享諸般福祿。無算的年。總不怕諸般之苦。而享受天主諸福。三分想。我養此最卑賤之肉身。只願受世上肉身暫時之樂。不久之生命。不求神身。常生永福。今定心務求永福。暫時克己。爲得無窮之世。享真福祿。奉獻于天主。所忍患難。求常生永福。

默想所受天主恩七端

一 默想造物之恩

首分想。造物之恩。天主造成天地萬物。皆爲吾人。生天蓋我。生地載我。生萬物

養我。都爲吾人平生受用。二分想。天主生我。我之身體百肢。靈魂生命。都是天主之恩。天主又另外預備天堂萬福。爲吾人永遠享受。若我肯依十誡。用世物。易走天堂之路。自然熱心感謝天主。愛恩主于萬恩之上。三分想。我用萬物。縱百肢五司生命。以犯天主之命。走地獄之路。當羞愧。而定心依十誡。用世物可耳。

二 默想存物之恩

首分想。天主存我存物。不然歸無。就是如再生。長存我存物。是如長又生。二分想。我生命五司百體。諸般的事物。繫屬於天主。如日光繫屬於日輪。日輪墮西。天下無光矣。如此。天主不存人物。人物歸無。而我顛病。敢得罪天主。三分想。最可驚懼。得罪之時。或使日不光照我。或瞽我目。或令我死。速下地獄。若主尙寬

我不卽下地獄。是天主大恩。感謝主恩。要熱心敬愛。定心遷改。

三想降生之恩

首分想。天主生天地萬物。是賜萬物與我等。降生是將自己授與我等。尊貴吾人類。立人性有天主位。使人敢稱天主。是我等父。敢稱吾主耶穌。是我等兄。看吾主如何愛吾人。吾人何能報其洪恩。定心行百功。要與在天我等之父相稱。二分想。吾主傳降生之恩。送我聖體。每每降來。在我心中。養我靈魂。此真是無限恩。越發想。越發驚異。三分想。我之功行。不能少報吾主諸般之恩。當何如奉事吾主。若爲天主生我。生我之諸物。我不足報答天主之恩。况爲降生及聖體之恩。我罪人何能得報答。但旣吾主施我自己的功勞。我用此無窮之功勞。奉與吾主。爲謝降生洪恩。求加寵祐。以能成善。免辜負吾主洪恩。

四想受難之恩

首分想。吾主耶穌贖人之罪。在世上三十三年。受萬苦。終流汗血。許惡人縛束。妄告侮辱。掌面鞭打。不下五千。受茨冠。被釘十字架而死。爲贖吾衆。此真是極愛吾人。二分想。我該下地獄。受永苦。今既吾主受萬難。賜我天堂萬福中有分。此種洪恩。人想一想。不能盡明吾主愛吾人無窮的情。該日日心中。加越大愛。吾主的情。猶爲不足。三分想。吾主惟一功能贖萬民。但爲我能認識吾主。愛我無窮盡之情。甘心受萬苦贖我。天主一命。卽生天地神人萬物。及贖我必三十年受苦。後被釘十字架死。今吾人當做何功爲吾主。當如何愛主。若受苦難。益當忍耐。

五想領聖水之恩

首分想。領聖水之時。盡赦前時諸罪。加聖寵。爲天主義子。凡天堂福。及主耶穌功勞。彌撒聖體等。無窮寶藏中都有分。諸教中人功內。有相通功。領聖水之時。凡此許多恩。一齊皆受。二分想。天主不賜此等洪恩於多賢尊之人。獨賜我進教。受許多恩。當感謝天主。惟恐得大罪。失許多恩。三分想。我是天堂的人。天主義子。不可鄙賤心志。愛世福。少想天堂的福。真是如孩童在泥爛中染污。當做百工。心在天上。不敢想世界賤事耳。

六想赦罪之恩

首分想。尊貴天神。一得罪天主不赦他。卽罰下地獄。爲魔鬼。受永苦。天主獨哀憐吾衆忘恩之罪人。定以告解之時。救我萬罪。又贖我。不做魔鬼之奴。加聖寵。又賜我爲天主義子。天堂無窮的福。又聖教會寶藏中又有分。當感謝主恩。定

志不敢再犯。得罪天主。失此諸恩。二分想。我忘恩的人。屢次解罪。受此許多恩。後每每又敢得罪天主。又做魔鬼之奴。地獄之人。可羞定改遷善。三分想。得罪都是爲些小邪樂。些小利益。爲虛假光榮。失此許多恩。染許多可怕之事。何不怕懼。若早不改過。惹天主義怒。罰我下地獄。

七想常受之恩

首分想。我諸般好事。都由天主發出來。若免凶禍。亦是天主恩。卽受萬苦難。亦是因煉我罪。積功勞。我生命舉動百行。都由天主有。惟我之罪。由我發出。二分想。天主極愛我。屢屢不許我得罪。禁魔鬼引誘。若有時許他引誘。常加寵照於我。若我做本分。能勝邪魔鬼。積功勞。又賜我一位最尊天神護守。我何不愛吾主。何不感謝主恩。三分想。我身神日日受許多不認得之恩。感謝天主。定心依

理用所受之恩。服事天主。利益靈魂。

默想完。可省察如何默想了。看這默想。盡明白否。深動七情否。堅心定志否。一心奉獻否。祈求之時。熱心敬愛懇切否。又察若有妄想。或有往來念頭。曾退去否。若懈怠默想。要痛悔定改求救。

善生福終正路
卷上 祈求天主之法

三十八

看聖教書之法

祈求天主。是我對天主講話。看聖教書。是天主同我人講。則看聖教書。與祈求相近。看聖教書有大益。善者看之成善。惡者看之改惡。聖人奧斯定。未領聖水時。看聖安當行實。就改過遷善。領聖水。作大聖人。若望葛隆。俾諾聖人。未成聖時。有妻最賢。常打罵其妻。其妻忍受。並不出聲。一日回家要飯食。一時未便發怒。其妻將諸聖人行實。送與他說。爾看這書。我就送飯。他便發怒拋書。後怒氣漸消。將這書看。偶然展開。見聖女瑪利亞。厄日濟亞。來歷。他心就改變。悔過遷善。便成個聖人。聖意納爵。先是英雄將帥。臨戰時被砲傷足。回家醫治略好。討兵書看。消悶過日。時值家裡未有。但將諸聖人行實送上。他無奈。只得看這書。良久。他心徐徐感動。效諸聖人善德。卽成大聖人。看聖人行實。可想聖人榮福。

要向天上的福。看聖人在天尊貴。懇他轉求天主爲我。看聖人大德。想他亦是人。如我一般。我若發奮效聖德。求天主加寵祐。亦能成聖。看各種聖教書。不可貪多。該徐徐精細去想。方能受其利益。又可想何能利益他人。若遇奇妙嘉言。須留意思。不可忘記。不但探其奇妙。可爲智者更該感動我心。改過遷善。論讀書。若只爲光榮。爲富貴。不過是空虛之事。若爲通徹天主道理。發心信愛。利己又利人。更爲奇妙有大功。昔一善女。祈求之時。見聖母在讀書人墓上。問聖母是甚故。聖母說。我來帶這讀書人靈魂昇天。因爲人費心讀書。爲通徹天主而加愛。又爲利益於人。是如致命爲天主一般。讀書善意甚多。爲認得天主而愛效法聖人。爲不肯閒。願避不善朋友。能教人爲善等。讀書先要正心。中天主意思。求天主開我心。學奧妙道理。讀完。謝天主光我心。而求實受其益。

聽講之法

聽講天主事情。是聽天主與吾人講話。蓋天主用人教人。令人自謙虛遜讓。爲聽講者之功。天主亦光傳教者之心。使他能善講。

有一位大善者看聖經。遇有一句不明。數日齋戒做苦工。下淚求天主開他心。爲明達這一句聖經。亦不能解明。心中思想要去問人。未及到而天主開其悟心。就明白矣。

有一人往靜處修道。其功勞甚大。每日天神降來。同他講論。但此人愚蒙。學念異端經。偶然有人來教他不可念。此是異端的經。及後見天神至。因問云。我差誤念經。爾何爲不教我。天神說。天主既定用人教人。我怎敢犯天主所定之規。又一位大賢士。與別位善講道的相左。不肯聽他講。至聖人斯德望瞻禮之日。

這賢士到天主堂。偶遇那位善講道的講道。他講聖人斯德望致命時。見天開了。今既天開了。人何故懈惰而不肯進。賢士聽此一句言語。其心便感動。就去修道。

聖人安多尼講道。有異端不肯聽講。聖人去海傍命魚來。便云人既不肯聽講。天主事情。魚爾們來聽。就有許多魚。大小俱備列在近岸不動。聖人說。天主生養爾們。可感謝天主恩。如此講有許久。羣魚點頭。講完。魚又點頭。聖人作十字降福。衆魚再點頭。始散而去。

有兩位修道的人。行路既晚。在空野之地。沒處安歇。又無飲食。又怕虎狼。求天主保佑。望見遠處有燈籠。忖度前必有人住。及行到見有大屋。敲門求歇宿一夜。卽時門已開了。有多修道之人衣白衣。迎這兩位修道人去。禮文款待。飲食

豐厚。宿一夜。會長請兩位講道。有多白衣修道的來聽講。就一位始開講。那白衣修道的漸漸都去了。單會長不去。這一位同會長說。我兩人昨承厚款。受會長恩。今早會長命講道。我們從命即講。方講時都去了。沒有人聽。豈有如此之理。會長說不須見怪。我們都是魔鬼。不能聽講天主事情。昨夜天主命我們造成這房屋。爲爾們方便歇一夜。我們沒奈何就蓋造。今完了天主所命。都要去。說完連會長並房屋俱不見。乃一塊空野地。那兩人感謝天主。遂起而去。觀乎此。可見魔鬼與事魔鬼之人。俱不肯聽講天主事情。吾主同惡人說。若是天主之人。願聽講天主之道。爾們既不是天主之人。故不肯聽。又吾主講道時。有一人同吾主說。母親親戚。在外等候。吾主說。誰是我之母。我之親戚。聽講者而順天主之道。卽是我之母。我之兄弟姊妹。故甘心聽講天主道理。爲將昇天享永

福之兆。

善聽講有法。一是聽講之先。可想今去聽吾主講道。故吾主同講道者說。爾們所講。不是爾們講的。是吾父之聖神。與爾們講的。此是天主用人替主講。照他心能善講。而動人心順言。所以又說。若人聽從爾們話。就如聽從我一般。若人輕忽爾們。卽是輕忽我。二求天主開我心。能明白懷藏天主道理於心中。三、聽講時。要知是天主所命我的。堅志定守。四、用心詳細聽講。可想所講之理。是天主與我說。不可說此話着此人。彼話着彼人。五、聽講完。總將所聽的心內默想。立志要守。求加寵庇。順天主命。到該行之機會。卽要決行。

解罪之法

解罪是教中人絕妙工夫。救罪人不下地獄。外教人如在海上。飄浮將沉。教中人如在船上。不怕風浪。傳教者付聖水。如放一板在海上救渡他。他領聖水進教。如已得上船。不怕風浪。若再得罪犯誡。又如跌下水將沉。傳教者又放解罪第二板救他。罪人須要心願告解。如在海中將沉。心願求一板救之。故人當速解罪。不可遲久。蓋有罪人。易又得罪。倍加其罪。如人在海上。既經一浪摧之。又被一浪攆之。再經數浪。必然沉溺。今初犯一大罪。雖該下地獄。告解天主赦。但又犯一大罪。直至屢犯不悛。必下地獄。又罪人若行善工。皆虛幻無功。又人敢得罪天主。卽該墜入地獄。若天主憐之。寬待他去改。卽是大恩。罪人輕忽主恩。遲改必至加罪。又如衣久污。難洗得潔淨。可見久罪欲改。亦斷然是難事。解罪

時鐸德念赦罪經。其罪卽滅。贖他不做魔鬼之奴。受天主聖寵。爲天主義子。將未得罪時所行功勞。旣得罪都散去。告解復還歸。又天堂永福中有分。許多奇恩。解罪時一概都受。有一人魔鬼藏匿其身。能說人罪過。一日見一大罪人。魔鬼說此人是我的朋友。久相熟。有某項罪。某項罪。播揚人知。彼人羞愧痛悔。卽去解罪。後其人又來。傍人說。爾的朋友來了。魔鬼說。此人不是。我不認得他。此是好人。有一寡婦。外面似有善德。做許多好事。且施濟窮人甚多。衆都稱他是聖女。但秘密中有幾端大罪。後來有一人發隱微之事者。號爲先知。對國王說。天主將罰天下。爲人有許多大罪。但不敢說明。若說明人亦不信。國王說。豈有不信。爾說與我知道。我就罰他。彼說某女人。有某罪。國王說。此女人是極尊貴最大聖女。如何能得許多大罪。彼說。命渠來。若我不指証他真有此項罪。可令燒

我國王命女人來。那人証他。爾有某罪該死。寡婦云。此大事如何驟能對答來。求寬我三日。方能對答。王允許。寡婦便自思不能同他對答。免不得死。卽時去解罪。防便善死。過三日。去國王前。那人亦去。王命再說他罪。那人見寡婦。便甚懼云。此婦人不是前日的。此人沒有罪。還近在天主聖母前保他。我今不能同他一齊在這裏。就散一陣穢氣不見了。衆都明白是魔鬼。愈加敬重這寡婦。此等事有多端。教中人旣信。不須多講。但聽此等話。不可大胆放肆。因爲大罪人少有改。大概未曾善解罪死。因大罪弄惡心。使難痛悔。

善解罪有四端。一是省察。二是痛悔。三是告解。四是補贖。

善省察之法

人若妄行告解。不先省察。便遺忘多罪。卽偶然都解不遺。亦是妄解。因爲故意。

險危遺失。何能善解罪。

省察是自己追想。從某日解過罪起。若總不會解罪。從某日領聖水起。細察有甚麼罪。我從前善領聖水否。天主教諸端。未曾深信無疑。未悔己罪。卽輕領洗否。若已解過罪。要察善解罪否。後想天主十誡。教會四規。看每誡有犯否。又看五司七情。曾放肆否。又想有七罪宗否。十四神形哀矜之功。曾行否。又要分開大罪與小罪。各以類從。不可混雜。

或問。要幾久省察。答云。定不得。有人易記得。有人難記得。有人久不解罪。有人每大瞻禮解罪。何能定幾久省察自己之罪。賢者云。若人要行大事。未行之先。幾久可想定善行模樣。若如此久省察。亦是善省察。若人許久不會解罪。要想已經幾年不會解罪。又想此數年。在何處做何事。同何友交。後想每誡。看在某

處作某事。同某友處。犯此誠否。如此細察諸誠。容易記得。又人若肯一總解。是奇妙之事。或人幼年不知道理。解不甚全。或鐸德新來。不甚曉音語。後來明白。纔解極好。總解益加痛悔。益加謙讓。又前解罪。或有大罪。故意怕羞瞞隱。或痛悔定改。不真不切。若是如此。一總解是極緊要事。亦要說有幾次妄解罪。幾次輕領聖體。一總解罪。該七八日之前。同鐸德講問。何能善解罪。更好亦可想罪之惡。並四末。及吾主苦難等。能動心極力悔罪。

每日省察之法

每日晚間省察。使解罪時可易記。不致難解。亦助我們能遷改。如商賈計利。必常算數。或拆本否。或得利否。爲靈魂大事。豈可不日日省察算數乎。

省察有五端。一、謝天主諸恩。二、求加寵照。能記罪惡可遷改。三、察今日之罪。或

是念。或是言。或是行事。或是缺。如當做不做。從早至晚。一日所作之事。四、痛悔。賴天主加祐定改。五、求救。後念天主經一遍。

人沒有大罪。是天主大恩。但無人免得小罪。雖聖人亦有小過。人若輕忽小罪。易陷於誘惑。易犯大罪。又小罪亦天主所厭棄。若在世時。不做苦工補還。身後不免下煉獄。在火中補還。故小罪不可輕忽。

小罪欸數。不能盡述。今略列幾欸。人人常有的。妄想。妄想世物。安樂。安喜己事。妄疑人事。小怒。虛費光陰。講閒語。說小謊。讚美自己。罵人及狠言。講小是非。笑人。看不可看事物。聽不可聽音語。懈惰爲善。飲食過度。做小不善。不合理事情等。

痛悔緊要有二。一、是悔前罪。二、是定心再不敢復犯。悔罪須向天主痛悔。就是

或爲愛敬天主。此是完全奇妙痛悔。或是畏天主罰。此雖不甚好。解罪便已補之矣。

今且講諸理。能動人心之痛悔。想天主至尊至大全能者。造成天地人物而常保存。看天主奇異功行。不能不敬。今我輕忽至尊全能天主。敢犯主命。何能不痛悔。又想天主無限善德。可敬可愛。看主慈悲公義全智等。無限奇妙事情。必動心愛敬天主。而反獲罪天主。豈有不痛悔之理。又想天主生我存養我。爲我降生受難。被釘死贖我罪。爲我能享永福。看吾主如此愛我。是我大父。我何能不愛吾主。若我有萬心。都該愛主。看我得罪於天主。今爲愛敬一心痛悔。又想我罪惡無限。地獄之苦。罰罪尙不盡。又想犯罪在至善天主前。作最可羞之事。何不痛悔我罪。又想我得罪於天主。做魔鬼之奴。不能昇天堂享永福。要下地

獄受永苦。我得罪全能天主。世界諸難。都所當受。不敢不悔我罪。要真心悔罪。爲天主。若爲己作可羞之事。或爲怕刑罰。總不向天主。不是超性之痛悔。不是善預備其解罪。

定改是真實決斷。再不敢得罪。亦須速遠去犯罪之端。若心裏不定。就是虛的。痛悔亦不可賴己力。須托賴天主寵祐。吾主功勞。及聖母之轉求。方纔定得。必要如此。可望天主赦罪。

有一大罪人去解罪。同聖人未增德。拂勒拉。解最多最大之罪。他的心極痛悔。聖人說。沒有刑罰。能補爾罪過。但爲爾如此極痛悔。命爾大齋做苦工七年。他下淚說。此罰亦輕。不稱我之罪。可憐我罪人。求命稱我罪之重罰。聖人看他十分痛悔說。爲爾極痛悔。今去齋三日罷了。他越發痛悔說。罰罪如何若此之少。

可憐我命重重的刑罰。聖人說不怕。天主賜爾如此痛悔之心。是天主赦了。去念天主經三遍。聖母經三遍。他越發痛悔叫喊。去念一遍天主經。一遍聖母經。痛心死了。聖人就去祈求天主。爲他靈魂。天主顯示於聖人。此人靈魂。爲極痛悔。速昇天堂。又一大罪人。極痛悔。在聖人安多尼之前告解。心甚痛之。出不得聲。聖人說。既講不得。去寫爾的罪回來。他都寫訖。往送此罪。欸與聖人看。聖人看之時。字跡都滅了。若無真心痛悔。雖解罪亦是虛的。有一個士人臨終。見免不得死。下淚告解。領聖體。行善死之善工。死後現其朋友叫苦。說我在永苦地獄。此朋友說。何爲如此。爾已告解。痛悔下淚死。如何反下地獄。他云我之痛悔。是虛的。到死時怕死。恐失世福。雖痛悔。不是爲怕得罪天主。可知解罪。先痛悔。是要緊之事。雖無大罪。若明白不痛悔。去解罪。是得罪於天主。輕忽赦罪之恩。

但人雖不下淚。單單心裏發出。若真爲愛敬天主。痛恨其罪。真心定改。謂之純痛悔。這是動心下淚之根源。

善解罪之法

告解要全要真。盡所有之大罪。都要明白解。各罪類會犯幾次。都一一明白說。譬如說我多次犯六誡。此不是全解。不是明白陳說罪類。要解是男是女。或有丈夫沒丈夫。有妻沒妻。亦不該說我犯多次。先要思算。後確實說有幾次。或不甚記明白。亦要說大約有幾次。差不多相去二三之間。若記不得。要說或一日。或一個瞻禮。或一個月內。差不多幾次。若想總記不得。不能說差不多幾次。要想一總是多是少。依此樣解方好。亦不可重復久說。恐又鎖碎太贅。該說犯誡總有幾遍。言語簡切了當。乃可。若故意剩一大罪。解不全。天主不但不赦不解。

之罪。連已告解的都不赦。更大得罪於天主。此何罪。是輕忽赦罪洪恩之罪。眞解。是用眞實明白言語。若故意婉曲糊塗。或不曾做。妄認有某大罪。或疑的事說眞。真的事說疑。此是告解不眞。大得罪於天主。則所解之罪都不赦。要存謙下羞愧之心而去告解。不可如講話嘻笑一般。須要遵順鐸德命。亦該行鐸德所勸。

有兩位修道之人在街遊。忽值人請他說。有一閨女病重。要告解。兩位修道之人就去。一位聽解罪。一位念經。閨女告解時。此位念經。見每每有一隻手黑黑的。拿住此閨女頸喉。解罪完。兩位修道出在路上。那一位見黑手的。說與這位聽解罪的知道。恐怕那閨女解罪不全。兩位就回去勸他。到他門首。聽見家內人叫苦。是這閨女死了。修道人回去。是夜此位聽解鐸德。在天主堂祈求。就見

一個可怕之高形。帶許多火煉。問他是誰。他答云。我是昨日解罪之閨女。我幼年時。一個人騙我。一次得罪。後總不敢犯。單是怕羞。常解罪不全。亦每每敢領聖體。過幾年。爾來這裡傳教。聽爾之話。是如箭傷我心。動心要全告解。復又怕羞。不說。昨日見爾過街。定全告解。雖沒有病。假托有病。請爾來解罪。但亦是怕羞。告解不全。爾出去。我心悶死。下了地獄。今天主命說明我罪。爲爾傳與衆人知。勸人全解。說完不見其形。

善補贖之法

須知善解罪。其罪雖赦。尙要補贖罪罰。若在世時不贖。死後要在煉獄補還。若我做功勞。或苦工。或受難忍耐。願中天主意。都可補贖罪過。但最緊要。是解罪時要極痛悔。遵鐸德所命苦工。及施貧困等。當求鐸德命重罰。又求所受患難。

所做苦工夫。許爲贖罪。因赦罪中之罰。更能補贖我罪。若鐸德命我補還人銀物聲名。就要順命速行。

改過遷善之法

赦罪洪恩。雖容易受。不可輕忽。是用吾主寶血。無限功勞赦我。我若不改。必輕忽吾主寶血。又慣得罪。後更難改。恐下地獄。可想罪之惡。罪之害。又想四末。並所受主恩。與吾主萬苦。定志堅心決改。不可忘記。善死由善生發出來。若魔鬼引誘。可想是我的讐。常願害我。世俗是我的親戚朋友。引我得罪。肉身搖動我之心。都是我讐。同魔鬼相幫害我。不可順他。須定日日念經。求聖母轉求天主。加我寵照。若得罪就痛悔做苦工。每月幾次解罪。領聖體。遠去罪端。謹守五司。不敢放肆。

善生福終正路... 卷上 解罪之法

五十八

聖體畧說

或問聖體是甚麼。答說。聖體是吾主耶穌聖體。但既是活的聖體。真是吾主耶穌在此。又問聖爵是甚麼。答說。亦是吾主耶穌聖血在內。但既是在吾主活聖體中。亦真是吾主耶穌在此。則是吾主耶穌隱藏在麴酒形色之內。又不是吾主的畫像。是真正活的。實在麴酒形色內。如在天上全能天主聖父右座一般。但在天上。現見諸福者。在麴酒形色內。不現見世人。吾主降麴酒形色內。因爲麴酒。係人日用飲食之糧。吾主備人靈魂神糧。用飲食常物。隱藏其中。養人靈魂。如飲食形糧。長養人肉身。生活不死。增加氣力。使能行百工。聖體養人之神。加聖寵功勞。使靈魂不犯死罪。增加神力。使能行諸般功勞。今詳細講聖體事情。一、是吾主真實在麴酒形色中。二、是可敬。三、可善領聖體。四、默想聖體七端。

或問何知道聖體。是吾主真實在麴酒形色中。答曰。若人不用超性的理。想度此事。必然人自不明。吾主全能者。至潔淨。至尊貴。在麴酒形色中。此是超人性理之事。吾主親口說。畢竟要信。但有多人不信。輕忽此大事。天主憐他。屢在阿。斯底亞中現見。有時現見如最美麗嬰孩。有時現見如釘在十字架。有時現見如復活光耀。屢次阿。斯底亞流血。濕聖爵下方帕。今聖血跡。現在尙能看見。法蘭濟亞國。聖王類思時。天主堂顯見吾主耶穌。在阿。斯底亞中。如奇妙美麗嬰孩。衆人皆往觀。有奏告於類思聖王。欲其往觀。聖王說。爾們不信。方往觀。我信。每日神目。常見吾主在阿。斯底亞中。不須肉目見。今我教中人。當誠信無疑。聖體是吾主耶穌在麴酒形色內。先時真正是麴酒。後鐸德替吾主。念誦成聖體。經言時。雖存麴酒形色。已去麴酒之體。而吾主聖體。便已藏在麴酒形色內。此

奇異事。是吾主耶穌親口說過要信。若不信。便是大得罪於天主矣。

聖體可敬

至尊之主耶穌。全能者在此。豈可不極其尊貴。極其敬重。天神謙恭跪拜。魔鬼驚懼。吾人可不恭敬麼。試看禽獸。尙屢次叩跪。有一騾。三日未食。腹甚饑餓。纔把他食時。聖安多尼爲羞不信聖體者。命騾去拜聖體。卽棄食去叩跪。又有一愚人。將聖體置蜂窩中。想能令蜂成許多蜜。其蜂釀蠟成臺。成聖爵。供聖體其上。衆蜂在下。作朝唱聲音。禽獸無知。猶敬聖體。况人含有靈性。安可不敬乎。

聖體可善領

天下誰人無罪。雖聖人常有小過。何人敢領聖體。真是可畏。但吾主極愛人。願吾衆俱領。聖經中諄諄命人領聖體云。若不領。便不得常生永福。今吾主既有

命。吾人敢不順從其命乎。聖人波納文都喇極願領聖體。但反觀己心不純全。幾日不敢領。一日在堂聽彌撒。天神送聖體。聖人只見聖體。不見天神。謙遜走避。聖體隨從。後聖人依吾主聖旨。謙心敬領。卽此可知雖極可敬。亦極可愛。愛情要勝過那敬情。方好去領。若人久不領。爲心不純淨。越久越不純淨。領聖體。是吾主入人心內。令人心潔淨。施功勞。爲能復領。譬如皇帝到貧人家裏。必有許多寶物賜他。令他收拾潔淨。方宜駐歇。今領聖體。既是緊要事。人當敬謹。專務善領。善領有兩樣。一是要緊的。一是該當加敬吾主而倍其功。要緊的。謂神身潔淨。謙心敬愛吾主。熱心去領。神潔淨。是無大罪。身潔淨。是將領前一日到半夜。戒飲食。領聖體後。過一二刻。方可飲食。若先已飲食。那日不可領。若領大得罪於天主。但若有重病臨終。雖已飲食了。亦可領聖體。或人有大罪。不曾告

解。就敢去領。是大得罪於天主。如又釘吾主耶穌於十字架一般。又要加敬加愛吾主。纔可去領。倘不敬不愛如木偶人去領。亦不可。今講領聖體之先。該作何功。爲加敬加倍功勞。雖不作此功。亦沒有罪。若作其功。有大利益。

領聖體之先。告解之後。可行四功。其一。想望何客進我心中。就是吾主耶穌。全能者。造成天地萬物而常主宰。生養存我至善之主。愛善者而賞。惡惡者而罰。又極愛我。寧降生被釘死贖我。其二。想吾主爲何又降吾心。總是極愛我。進我心中。合我之神。施己之善德與我。增其聖寵。加其神力。使能成善德積功勞。其三。想吾主降來。進我污穢心中。不厭棄我。合我有罪的神。雖惡我罪。然有小罪亦赦。若有大罪。故意不解。實是可畏。今看吾主愛我至情。我豈可不愛吾主。想我罪何能不痛悔。決志定改。其四。想該如何齊備。候此貴客。如何敬愛吾主。如

何痛悔我罪。可望吾主施與我何事。吾主耶穌。自帶萬美好。特來施與我。豈可不望。何能不愛。如此準備。熱心去領。領時加敬加愛。善領聖體。全是愛情。吾主愛我降來。我熱心愛主去領。須分開善領與不善領。善領受許多奇妙之恩。不善領。受許多禍患之害。

味德近多。元侯。衣丐子衣。去看嘉樂大皇帝軍。事事都看。亦看彌撒。至教中人領聖體時。元侯見奇妙孩子。進入教中人口。但有的吾主耶穌。歡喜入其口。有的吾主耶穌。懊惱入其口。元侯見之。卽時進教。

有一位聖人主教。許多人告說。某某兩人是惡人。聖人懷疑。不知真否。及大瞻禮領聖體時。見有面光去領。領後發光。有面黑眼紅如血去領。領後燒如火炭。又見那兩人。一個面光去領。領了益發光。一個面黑去領。領訖如火炭紅。天神

說那兩人。先是惡人。一個悔罪。定心改過遷善。已去解罪。一個不定改。聖人間惡人何能卽有如此大光。悔罪告解領聖體。豈有得這樣大尊貴。天神答說。爾們人以爲怪。是不識天主無限慈悲。如此。則可知罪人善解罪。不但天主救他。亦加尊貴於天主前。

聖人偶地米柯見領聖體人。有許多受大光。亦有許多昏昧如死者。故凡人要謹慎。察自己之心。若是潔淨。方好去領。

領聖體後。可一二刻想。如神目見吾主坐在胸中。左右俱是天神敬拜。我當恭敬叩拜。熱心切愛。感謝吾主降我胸內。爲愛我。願賜我許多恩。若不賜我。是我心貪世事。願欲塞了。所以於天上事情厭倦無味。今吾主特來救我罪過。滿我聖寵。懇求使我善領。受聖體諸恩。奉獻我口與心於吾主。定要潔淨。勿使污穢。

念頭得進我心。潛留於內。勿說不善言語。若魔鬼引誘。我見我心是吾主所住的居。我口是吾主所由的路。如此潔淨。自然該退避他。

領聖體前後默想七端

第一端。想聖體包涵天主諸般奇妙之事。就是天主諸善德。吾主耶穌諸功勞。諸德業。救贖吾人。施聖寵。得永福憑據。且是吾主受難之真實表。昔日吾主在十字架上。奉獻自己生命於聖父。以贖吾衆。今臺上又奉獻自己於聖父。爲吾衆人能受洪恩。

第二端。想領聖體時。吾主耶穌聖之身。合我之身。吾主耶穌聖之神。合我之神。使我得聖寵之生命。吾主說。領聖體人在我內。我亦在他內。又說我由聖父受生命。領聖體人。由我受生命。如食物體。與人相結合。養人肉身。聖體結合人神。

養人靈魂。但人食物。變物體作己體。吾主變領聖體之人。有主之事情善德。如一樹截去枝幹。另接好樹枝幹。兩相湊合。後由好樹生出好菓。領聖體的人。亦由吾主能行功勞。

第三端。想聖體真是第一件日用神糧。所該常求。所該常領。若不領。神力衰弱。難免得罪。靈魂易失聖寵。易失天主義子之生命。若不領。難得久存聖寵之生命。難能得永福。則領聖體。係緊要之事。如病人若厭飲食。其病必重。人若厭領聖體。雖無別罪。必神內有重病。須當求天上之醫。用神藥。

第四端。想世人相約。既許於人。必以質爲信。使人真實信做此事。吾主既許我永福。我信吾主所許不差。吾主還送我聖體。爲永福憑據。是送自己永福之原。與我嘗嗜享受。聖保祿說。天主聖父。送聖子與吾人。尙有何事不肯送乎。今既

吾主。送自己與我。還有何好事不可望施我。看吾主愛我至情。我該如何愛吾主。

第五端。想聖體使人除昇天之阻礙。減少世情。令人不陷死罪。壯固人之心。易行永福之路。令我衆人。合吾主萬福之原。所以聖體。稱永福行糧。亦是福者所享的福。但今遮蓋不見。我們昇天。就明見享受。該感謝天主大恩。熱心愛戴。

第六端。想聖體事情。顯吾主謙遜之情。降在麪酒形色內。又降人污穢之心內。又顯吾主順德。鐸德念成聖體經時。吾主卽降來在內。又顯吾主忍德。就是主在其中。而罪人輕忽洪恩。吾主忍受不罰。則吾主愛人之情益顯。且諸德皆可效。亦可驚。吾人當作何感謝深愛吾仁慈之主。

第七端。想吾主降在麪酒形色中。如乳母養我神。如醫士醫我病。又想今吾主

來。有父親愛子至極之情。甚可親愛。亦既是生死審判之主。故甚可畏。若我今不用吾主慈悲。改過遷善。日後審判。益加刑罰。如此想。激動我心。極愛極畏兩端之情。

善生福終正路... 卷上 聖體畧說

七十

彌撒奇妙事情畧說

彌撒是奉祭天主。甚高奇妙之禮。不是人所立的。是吾主受難之先定的。是吾主受難真實之表。如吾主耶穌在十字架上。奉自己生命於聖父。贖吾衆。因此鐸德代吾主耶穌。奉其聖體於聖父。以爲吾衆。傳施吾主受難洪恩。能贖吾人之罪。能謝所受天主諸恩。能求所願萬德萬恩。能救煉罪靈魂。能悅福者之心。我等尊敬。奉主無窮功勞於聖父。但奉彌撒是尊敬天主至極。因奉吾主。天主聖父。不能不愛吾主耶穌。則奉吾主耶穌於聖父。不能不中聖父意。可想吾主耶穌諸奇妙事情。都在彌撒中。可知吾主。不但是受難時愛我。今亦極愛我。受難時。積無限之功勞寶藏與我。今彌撒中。又降來施功勞與我。聽彌撒。不但受許多神恩。以能成善。增加聖寵。卽肉身亦屢受許多恩。今且畧言以明之。

有一幼年人。父親教他日日聽彌撒。若在天主堂時。有許多彌撒都要聽完。這少年是服事波而都加樂國王后。名意撒伯爾。乃是成善聖女。這王后看他。是善人。使他施濟貧窮。內中有一人嫉妬他。告與國王說。恐這少年向王后不正。國王不察。輕信人言。因出遊見人燒灰。命燒窰人云。明早我着。一人來問。昨日國王所命做之事。曾做否。爾們聽這話。就拿他放在火窰中燒死。到明早。王着這少年去說話。他就去。路上見天主堂內做彌撒。依父親平日所言。進堂內。看有做許多彌撒。都盡聽。許久。國王暗想此人必燒死矣。命昨日讒他的人往窰中。問燒他。不會。此人去。到燒灰處。問那燒灰之人。昨日國王所命之事。爾們曾做否。燒窰人答。而今正要做。卽時拿他放在窰中燒死。這少年聽完彌撒。纔去。到灰窰處問。昨日國王所命事。曾做否。他們說已做了。這少年回復於國王。知

道。王怒說。爾遲遲而行。在路上作何事。他對說。依父親平日之言。在某天主堂聽完衆彌撒。國王自思忖。天主免此人不死。罰讒害他之人燒了。細察方知道。王后愛這少年。因是善者。遣他施捨貧窮。謝天主免無罪的人。而罰惡者。

有一裁縫。只做粗工。所得工資。足養家人。他的朋友做得巧工。每每勤苦做工。夫。所得工資。反不足用。這巧工同這粗工說。爾工是粗的。又不長做工。反足用。足養家人。我之工夫精巧。又長做工。反不足用。爾莫是得有寶藏。粗工答說。我。真實有寶藏。爾若肯愛我的寶藏。分些與爾亦可。我的寶藏。就是未做工之先。去聽彌撒。後纔去做工。則天主降福於我之工夫。受多利矣。

聖人額我略云。有一人掠在遠國做奴。被鐵鍊鎖繫。他的妻子。想他死了。每瞻禮求鐸德做彌撒。爲他的靈魂。但做彌撒時。他繫的鐵鍊自放開。他亦不知其

故。後得贖脫還家。方知道做彌撒之時。鐵鍊自開。有一人在鐵鑛內掘鐵。被土傾倒。填塞路徑。不得出來。其妻以爲死了。每瞻禮送一枝蠟燭。一個饅首。於天主堂濟貧窮。求做彌撒。爲他靈魂。單單一個瞻禮。有事忙。忘記去天主堂求彌撒。過一年。有人討鐵掘鑛。開復路徑。他尙在。方得出來。回家說。每遇瞻禮日。有一人到鑛裏安慰我。送一枝蠟燭照光。亦送一個饅首。只一個瞻禮沒有來。其妻方明白是天主之恩。有許多在煉罪地獄之靈魂。現見聖人尼閣老。多冷地諾。求做彌撒。聖人於全瞻禮七日。俱做彌撒奉天主爲他。後又見一個靈魂說。許多靈魂都免了煉罪。今代衆魂謝聖人。如此聖蹟甚多。不能盡述。

善聽彌撒之法。做彌撒的時。有許多天神在此。極敬極愛。感動聽彌撒者之心。使能愛敬天主。雖肉眼不見。萬不可疑。如人君登殿。衆臣必然朝拜。豈有至尊

上主。從天降來。天神有不來朝拜者乎。有許多聖人曾親見。吾人聽彌撒。當極敬極愛。默想彌撒奇異事情。始聽彌撒。該一心痛悔罪過。向天主。望吾主來。如民望皇帝來。想我今在世上。有世俗魔鬼肉身三處之敵。循環攻我。我罪蔽天。沒處走脫。但有天神。報我主耶穌全能者。降來救我。當立志望吾主。舉揚聖體之先。想天門開。吾主光照降來。舉揚聖體時。信吾主降臨其上。雖隱藏未見。真是吾主在此。况昔日吾主立聖體時。曾親口說過。要謙心愛敬。想吾主降來救我。施我自寶死無窮功勞。如釘十字架時一般。奉吾主功勞於天主聖父。爲滅我罪。爲補還我所當受罪罰。爲謝所受天主諸恩。爲求望寵祐永福等諸恩。鐸德領聖體。我亦可神領。神領就是願善領。須悔罪心潔淨。極愛極敬。熱心願領。痛悔罪後。懇求吾主降來。在吾神中。謝吾主洪恩。求加寵庇。如實領一般。這

是神領。神領不但聽彌撒時可行。時時處處。都可願望神領。

每日聽彌撒之法

主日聽彌撒。先念悔罪經。想在天主面前悔罪。後想天主生我在世上。爲積功勞。死後昇天享永福。而我罪人放肆爲惡。犯天主命。險下地獄。看地獄開。見地中火海。魔鬼卽扯我下火內。可驚可懼。痛悔我之罪。舉揚聖體時。拊心叩拜。想主從天降來。散流聖血贖我滅我罪。看吾主慈悲。我該一心愛主。若又得罪。是又釘吾主十字架。今卽痛悔我所作之罪。定心決志。再不敢復犯。求吾主爲五傷救我罪。鐸德領聖體時。我亦願善領。求加神力。能改罪惡。懇聖母聖若瑟。於天主前爲我主保。堅心定志。速退不善念頭。爲中聖母意。

瞻禮二。悔罪後。想吾人免不得要死。不知死之時候。又不知幼年或老年。不知

今年或明年。今月與後月。今日與明日。亦不知或睡時忽然死。若有大罪死。如何是好。今須思算。定志速改。防備善死。

舉揚聖體時。拊心叩拜。想吾主被釘死。是爲我善死。得常生永福。我今奉吾主寶死於聖父。求善死。鐸德領聖體時。我亦願善領。防備善死。求聖母聖若瑟於我死時。爲我主保。堅心定志。不說不善之言。爲中聖母意。

瞻禮三。悔罪後。想我死要到天主前審判。那時候若有罪。悔之不得。求不得天主慈悲救我。望不得聖母轉求天主爲我。所以要預前防備。改過遷善。

舉揚聖體時。拊心叩拜。想吾主寶血。一滴便能救我。若審判時。便求不得。今聖體內。吾主寶血全有。在我善用。痛悔我罪。決志定改。鐸德領聖體時。我亦願善領。爲能遷改。懇聖若瑟求聖母。轉求吾主耶穌。加我寵照。能改我驕傲之罪。效

聖母謙遜之德。爲中聖母意。不敢妄疑他人。如吾主所說不妄疑。免審判。

瞻禮四。悔罪後。想地獄之苦。是在火中永燒。沒有窮盡。今人以一手指在火燒。尙忍不得。况全身神。盡在火中。能當得乎。且看罪之樂速過。地獄之苦永受。罪樂是下地獄之路。最是可怕可恨之事。

舉揚聖體時。拊心叩拜。想吾主被釘死。是救我不下地獄。今又從天降來救我。不可辜負吾主洪恩。須定志遷改。用吾主寶血補我罪。鐸德領聖體時。我亦願善領。爲能改過。懇聖若瑟。求聖母轉求天主爲我。如聖伯爾納多云。若聖母一次求天主。爲此人。其人可免。不受永苦。因聖母之求天主。沒有不准。當定志忻勤。爲善去惡。爲不辜負聖母之求。

瞻禮五。悔罪後。想煉罪地獄之苦。是在火中燒。爲煉小罪。又若大罪雖痛解。但

不會做苦工。卽已做。不足還補。俱要在煉罪地獄補還。看一小罪。亦不是輕忽之事。當要戒慎。不可妄作。

舉揚聖體時。拊心叩拜。想吾主從天降來。爲我用他之寶血補我罪。今一總痛悔我所作大小諸罪。鐸德領聖體時。我亦願善領。懇聖若瑟。求聖母爲我托賴。定心哀憐在煉罪地獄靈魂。及世上衆貧窮。爲中聖母意。

瞻禮六。悔罪後。想吾主爲我罪。受許多苦難。許多侮辱。釘死十字架。真實是愛我。而我忘恩之人。常得罪於吾主。我領聖水及解罪時。主之寶血。已洗淨我之靈魂。我又得罪復污穢了。今可羞愧痛悔。

舉揚聖體時。拊心叩拜。想吾主從天降來。傳受難之恩。又奉自己無限功勞於聖父。總是爲贖我罪。熱心愛吾主。謝吾主洪恩。定心再不敢污穢我之靈魂。若

一污穢。便是忘恩侮辱吾主寶血。鐸德領聖體時。我亦願善領。爲得受吾主萬苦之恩。懇聖若瑟。求聖母。替我謝吾主受難之恩。求寵照。勿辜負吾主苦難。定甘心忍耐世間一切窘難。爲中聖母意。

瞻禮七。悔罪後。想聖母是吾衆人主保慈母。如慈母之愛子。願人子好。我今雖是罪人。聖母亦保護。求天主哀憐我。

舉揚聖體時。拊心叩拜。想吾主如釘十字架時。指聖母與我說是爾之慈母。我今心中要懷念聖母。愛聖母。望聖母。羞做不善事。定心遷改。鐸德領聖體時。我亦願善領。爲立心作善。能稱人子孝聖母之志。懇聖若瑟求聖母。不因我可惱之罪而棄我。定心貞潔。爲中聖母意。

上卷終

善生福終正路卷下

恭聖母大益畧說

聖母爲吾衆慈母。天主愛吾人至極。爲衆人父。命人稱之爲父。望之猶子。望父一般。天下沒有父不願兒子好。如天主愛吾衆願我之好。又要吾人有慈母。使聖母爲吾衆慈母。又吾主耶穌在十字架時。賜聖若望。做聖母之子。并令教中諸人。俱做聖母之子。聖若望。心中。卽發人子愛母之情於聖母。又使聖母。爲聖若望之母。并爲教中人母。如母愛吾衆。聖母心中。就發母愛子之情於吾衆。聖母愛教中人。其故有三。一、爲他本情仁慈。二、爲天主命他爲衆人主母。又因極愛之子耶穌。欲成行聖子所願。又在十字架上。臨終時所命。卽將愛子耶穌之至情。全施與我們。三、是聖母見天主。選他爲降生之母。見聖子降生爲人。受難

被釘死。都是爲我們。故一心懷念吾衆。常常保重。願稱爲母之情。聖母歡心賜恩與人。常願人好。雖不求他。亦常保護。我們安樂。聖母歡喜。我們苦難。聖母哀傷。故吾衆可發人子之愛情於聖母。稱爲人子之情。人子愛母之情雖多。但極重者有五。一是敬。二是愛。三是望。四是讚美。五是效母親德行。

聖母可敬

敬聖母有許多故。一、爲真實是天主聖母。有無限高位。其尊貴至極。蓋全能天主。實是其子。其善德稱天主聖母之位。主在世時。敬聖母。服他命。爲孝子。聖母雖敬主耶穌。因是全能天主。亦知真實是己子。見吾主順從母命。願爲孝子表樣。聖母欲成行聖子所願用母位命之。今在天堂。吾主耶穌。益尊敬聖母。使近榮福之右而坐。爲天堂主母。聖母有求。天主都准。毫無拒阻。天主極願衆人敬

聖母。其光榮。是吾主光榮。敬聖母。是敬主耶穌。故吾人極該恭敬。

二、是聖母於天上天下。有大權。爲諸天神聖人母皇。天上天下。皆係屬於聖母。其在世時。有許多天神服事。聖人聖女在世敬重服事。以積功勞成善德。今在天堂。諸天神聖人聖女。無不尊敬服事。魔鬼聞稱聖母名。就驚懼。故人必當欽敬。

三、是聖母爲吾衆之主保。無一人不需聖母保佑。所以稱聖母病人之痊。罪人之託。憂苦之慰。有病者求聖母。卽救他。罪人託賴聖母。求天主免罰下獄。加寵祐。能改過。心中憂悶。聖母安慰之。教中人若有懇求聖母。代祈都保佑。此等事有無數聖蹟。今界說數段。聖人達尼老。幼年讀書時病重。聖母抱吾主耶穌見他。送主耶穌與他抱。其病卽愈。

聖女被理濟大見聖母外披衣。兩邊垂下。包猴猪虎狼熊獅子等獸。聖女驚問故。聖母說是罪人。邪淫如猪。貪食如猴。驕傲似獅子。猛惡像虎狼。發怒像熊。各種之罪。與諸獸相似。今我保養他。免下地獄。又寬容改變他心。作好人。後送與吾子耶穌。

有一人常讚美聖母。恭喜聖母之福。此人臨終。心中甚悶。怕下地獄。聖母現見他說。子何必畏。亦何須悶。爾常恭喜我福。今我亦恭喜爾福。可同我昇天享永福。

有一位童身善女。甘受許多難。效吾主。一日見聖母在上。散許多珍寶。下有許多人拾取。但取有多者。取有少者。亦有不肯取者。此是聖母賜恩於教中人。若懶惰不做本分。是不肯取。今要聖母保佑。必該敬聖母。求做吾衆主保。日日多

收取其恩。

四、是聖母光榮。其光顯發。天上天下。都能照滿。聖母恭敬天主。是奉極大尊榮於主。吾主耶穌亦極樂受甚大光榮。因有至善至尊之母。諸天神諸聖人。歡喜樂受最大光榮。因得聖母。做他的母皇。聖母是人類之光榮。天主降生爲人。由聖母誕生出來。吾主耶穌人性。昇到天主品位。聖母女人。升到天主聖母品級。必然極當敬。

五、是凡善德之人。皆可敬。况聖母善德甚大甚高。遠過諸天神諸聖人。將衆福者善德。擬比聖母。猶一滴水與海相較。其功勞與善德相稱。聖母在世時。靈魂之善德。其光彩形於外。發於面。梅瑟聖人。在錫乃山。天神代天主顯見他。同講四十日。及下山。如德亞國之人。肉目不能仰視。况聖母受孕。懷天主聖子。九月

而生。又三十年同處不離。日夕親炙。其形容必然極尊貴。故聖若望於吾主昇天之後。事聖母十五年。并不敢仰視。後聖女被理濟大見聖若望在天上。其目甚光照。是天主賞此之光爲他在世時。常敬聖母。不敢仰視。又聖梯阿尼削說。我親去看聖母有幸得見。他的面甚光彩。若天主聖經中。預前不說天主是神。無形之體。我想他就是天主而叩拜。況今在天享永福。其光愈大。比不得斷然可敬。

六、是子該敬母。今聖母既賜我恩。爲教中人主母。豈可不極敬。雖愛望聖母之情如子。愛望母然猶不可缺尊敬之情。

或問如何敬聖母。答曰。先思想聖母之位至極。是天地萬物之母皇。諸天神聖人聖女最敬之。吾人何敢不敬。敬有五端。一、心中自謙極敬聖母。外跪叩頭。二、

稱聖母之名。熱心愛敬。三、聖母像。莊而敬。又勸人敬之。四、有聖母堂去拜。五、屬聖母之物。珍重之。

聖母可愛

愛聖母有許多緣故。一、爲是天主聖母。天主極愛聖母。令吾衆亦愛。愛天主情。當發出愛聖母。爲中天主意。又爲酬謝所受天主諸恩。該一心愛聖母。天主爲責令吾人愛聖母。定凡所賜之恩。皆由於聖母。聖方濟。各一日有所求。天主已准。但未卽賜。聖人又求。天主說。我已准爾。但爾曾求聖母否。聖人說。不會。天主說。豈有我賜恩與人。人不先求之於聖母。觀乎此。可見聖母管天上天下之事。若不先求聖母。安能受天主恩。故聖伯爾納多說。吾人心五臟之內。都當愛聖母。此必是天主之聖旨。故必由聖母。施我們諸恩。

二、是愛聖母。因爲吾主贖我們罪。免我們不下地獄。賜昇天堂。享永福。旣吾主由聖母而生。則此許多洪恩。俱由聖母發出來。又贖罪雖是吾主耶穌功勞。然聖母功勞。贖人罪中亦有分。蓋因原祖亞當。厄。襪。二人。損壞人類。亦吾主耶穌及聖母瑪利亞二位。補贖人罪。雖吾主耶穌。功勞無限。自能贖萬世之人。聖母功勞雖大。尙有限。不能盡贖我們。但聖母功勞。及已萬苦。贖人中亦有分。該一心愛聖母。

三、愛聖母。爲係衆人慈母。世上未有子報母情。能與母恩相準。九月懷胎。受許多辛苦。臨產疼痛。抱養長成。無數艱辛。都甘心忍受。不望利益。專爲愛子。况聖母爲天地主母。天神母皇。見吾衆罪人。做魔鬼之奴。卑賤可惡。都該下地獄。哀憐我們。常懷吾衆在於心中。求天主成全吾人於神內。又母生子。易染原罪。做

魔鬼之奴。聖母懷吾人。求聖子成善人爲天主義子。聖人伯爾納多說。聖母孕吾主耶穌時。懇求天主爲吾衆。此時卽懷我們在心中。如母親懷子一般。及生養耶穌。至三十三年。當受許多苦。都是爲聖子耶穌。到受難時。被釘死。以贖吾衆。耶穌受難時。聖母近在十字架傍。目見聖子耶穌。受盡萬苦。心中何等悲切。如生產我們一般。今在天堂。更愛我們。聖母現見比利濟大聖女說。肯改過遷善之人。我卽是他母。我雖在高座。愛我之人。在世求我。我亦准其祈求。若死候我去接他。安慰他帶他。在我座中。我座廣闊。容得多衆。賜他我在天享真福。吾儕益當極愛聖母。

四、愛聖母。爲他有萬善。若有一善人。雖不是親友。人皆愛他。今聖母善德甚大。甚高。必然可愛。又美麗之人。雖不愛人。人皆愛他。聖母在世時。其潔淨美麗。能

悅人心。滅人心邪慾。思念其身體百肢相稱。顏色和悅。語言有味。難以相比。况他靈魂美麗益光大。形出肉身。益見可愛。聖伯爾納多說。天地萬物美德。一齊湊合於聖母。况今在天。其美愈大。愈悅福者之心。豈可不愛。

昔有一位鐸德極愛聖母。懇求聖母顯見。聖母差一天神說。爾敢求聖母顯見。須知若見。雙眼都瞎。他答說。我願見聖母。雖瞎無妨。言訖。天神去。彼復自思。若瞎雙眼。不能做彌撒。行百工。若閉一眼。聖母顯見時。只用一眼看。後聖母果顯見。他用一眼看。然一見聖母美麗。自心深悅說。不可缺少我此隻眼之福。就全開眼。時聖母忽不見。果然只瞎一眼。乃下淚說。我真是愚蒙。要此隻眼何用。寧可見聖母。兩目都瞎。又求聖母顯見。聖母又顯見。不但不雙瞎。且光他前所瞎之眼。因爲他愛見聖母。說須要瞎雙眼。爲加倍其願欲。加倍其功勞。

昔一幼年人。常讚美聖母。依聖經說可愛聖母。爾是全美麗。此人值娶親之日。擺列筵宴之時。記得不曾念經奉聖母。就停下筵宴去念經。念到可愛聖母。爾是全美麗之句。時聖母顯見他說。既稱我全美麗。何爲娶親棄我。他就不婚配。卽時去修道守童貞。

五、當愛聖母。爲其有大慈悲。不論何人。雖有許多罪。都受聖母恩。利嘉多賢者說。不須問聖母在何處。凡有患難。聖母就在其中保佑。若要記聖母聖蹟。保佑拯救各樣受難人。雖寫許多書。亦寫不盡。人人都受聖母恩。聖伯爾納多說。若有人不受聖母恩。我許他不讚美。但無有不受恩者。豈可不愛。不熱心讚美乎。昔一人自想。我常念經讚美聖母。不曾受聖母恩。不知何故。正說時。就聽見如有人講一般。爾鄰居死了。爾不死。某人本錢散了。爾今有本錢。某人有病。爾今

平安。某人受難。受凌辱。爾安樂有光榮。此等事。都是聖母之恩。他就堅心感謝聖母。可知無人不愛聖母恩。所以聖母稱慈悲之母。

昔一十歲孩童。凡做工必先拜聖母。常說敬拜慈悲之母。至臨終時。聖母顯見他。叫他昇天說。我是爾常稱拜慈悲之母。

六。是可愛聖母。爲他常愛我們。亦願吾衆常愛他。聖母愛我們之情。勝過世人及天神聖人之情。最願我之好。而吾人之好。皆由愛聖母之情而來。我們愛聖母。何益於聖母。但我人受大益。故聖母既願吾衆之好。最願吾衆愛他。嘗賜恩於愛者。常責不愛者。今單講一二。

聖多默。致命者。幼年同友嬉戲。其友亂講。我們都有女人愛我。聖多默說。我衆有一位潔淨女。極愛我。憑我所願之物。都送與我。其女就是聖母。但不敢露。衆

友俱笑說。爾把他愛情記號與我看。他心中醒覺。如何同不善之友閒講。遂進主堂。跪聖母像前求聖母赦罪。聖母顯見說。何爲怕朋友亂講。但爾之心潔淨。今送一箱。爾持去。與衆友看。此是我愛情記號。聖多默依言。就拿箱子。與友開看。內有祭衣紅色最奇妙。衆見不是世上所做之工。祭衣是指他後來做主教之鐸德。紅色指他後來致命爲天主。

多默肯俾少年讀書。極愛敬聖母。熱心念經。後漸漸懈惰冷澹。一夜夢見書堂。有許多書生。見聖母在兩位聖女中間。聖女手捧器皿。滿載美液。聖母持杓。分與衆學生食。每人一杓。各位食時。若甚奇妙。望聖母亦到己位。送與己食。及聖母到。就厭棄他。說道爾既忘我。尙敢望享美味。驚醒遷改。去修道成善德。極愛聖母。著許多妙書。

有一童子。名厄斯契。落十二歲時。遇疾病昏倒。後甦醒說。謝天主免了我。於今不燒。謝聖母免了我。於今不燒。人問其何故。如此重復說。謝天主謝聖母。今不燒。遂不能答應。久之驚怕之情乃止。說道。我在天主前審判。天主判我下地獄。有聖人說。聖母爲何不求天主救他。聖母說。不可。因其一生。沒有一次念我的經。後有許多聖人。求聖母哀憐我。聖母遂求天主赦我。免我不燒。此位童子。及後長成做主教。又辭主教去修道。專務善死。

七、當愛聖母。爲愛敬聖母之誠。將做福者之號。愛聖母之誠。如人出入之氣息。人若氣息不通便死。教中人若不愛聖母。其神魂亦如死的。安望常生。且如人死。倘得復生。是大聖蹟。如此罪人。若不愛聖母。而改過遷善。是罕見之事。又人復生氣必先回。若罪人遷改。必先愛聖母。吾人愛天主之外。極貴重是愛敬聖

母。必謙恭誠服。願中聖母意。心內常懷愛聖母之情。外面念經讚美。拜聖母像。瞻禮七大齋。施捨。進聖母會。守聖母瞻禮等事。

或問如何愛聖母。答曰。思想聖母。美善功德最大。其榮福至極。而愛熱心恭喜。心中願天上面見。實聽天神聖人聖女。讚美聖母。又想所受聖母諸恩。豈有不愛乎。熱心感謝。定心諸般的工夫。爲聖母做。求聖母將我諸般之功。獻天主。又想天神聖人聖女。如何愛聖母。心願做其愛情。又想在世之人。極須要聖母託賴。見不求的。數受害下地獄。心中發愛聖母之情。定心每每求聖母保佑。又想聖母愛我。勝過諸世上之母愛子之情。又想吾主耶穌。命吾人愛敬聖母。豈有不愛乎。愛是心中極愛。常記念甘心稱名。熱心讚美恭喜其福。願中其意聽人讚美聖母。心悅。愛聖母之人愛之。

聖母可望

望聖母賜吾人各種恩。凡好事俱可望。聖母是天地萬物之母皇。諸天神事之。又聖母之求向全能者。因聖母求全能天主。無有不准。又聖母最慈悲。極愛吾衆願吾衆之好。若人求聖母。既有母情。亦無有不准。若罪人求聖母。因聖母是罪人之託。吾衆主保。聖母必做本分。轉求天主爲我。

一富人。全不肯施捨。遇一窮人。專到他們乞食說。爲聖母施我。彼雖不肯施。但因有些愛敬聖母之情。亦不拒。發怒拋一麪餅與之。是夜夢在天主前審判。魔鬼證他許多罪。護守天神說。今日他爲聖母施一麪餅。遂用天秤秤兌。罪過甚重。麪餅甚輕。聖母求主施一滴聖血。吾主說。我血乃吾母授我的。憑吾母用。聖母卽將一滴聖血。加麪餅上。天平就一般秤。吾主對罪人說。爾看天平既平。要

改過遷善。積功勞。勝過爾罪。方能昇天。驚醒。遂棄世物。將財物盡施捨窮人。去修道。

有一位公侯。最暴惡。及病。請主教解罪。許補還民財物。病愈。遂背其願。不肯補還。復病。又請主教解罪。主教因他背前言。不肯往。彼無奈。只得懇天主求赦罪。明見吾主釘十字架。亦見聖母求吾主赦他。吾主對聖母說。此人釘我十字架。罪人說。真是我之罪多。釘吾主十字架。但常讚美聖母。聖母又求耶穌赦他。吾主說。我將此人交與吾母。憑吾母施爲。公侯病愈。盡將財物。補還衆民完訖。所餘財物。又施給窮人。卽去修道。

一寡婦貧窮。有兩閨女。養活不得。堅心望聖母。跪聖母像前說。此二女我養活不得。送與聖母養。數日後。有人敲門。問某人在家否。寡婦答說。我丈夫死了。那

人說。數年前。我借他一百兩銀做本。往外國。今回來送還。他既不在。該爾收。寡婦已收。感謝聖母。將銀製衣與二女穿。方能出門瞻禮。人見他所衣新衣。疑二閨女爲不潔淨事。皆鄙賤他。寡婦又到聖母像前。求聖母解衆人疑。及至大瞻禮日。衆人同二閨女。俱在瞻禮。忽見降一天神。送兩頂花冠。戴在二閨女首。說天主聖母。因爾二位。矢守童貞。故賜兩頂花冠與爾。衆目親見。方不敢疑。咸尊敬他。時有地主。起兩所院宇。聚許多守童貞閨女。命二位主持其事。有一閨女貧窮。牧羊墊地。其地有一所聖母堂。內供聖母像。衣服破爛。閨女見聖母像。稟說。我貧窮。不能製新衣奉獻聖母。惟念聖母經六十三。奉獻聖母。閨女到臨終。有一修道在此過往。進聖母堂念經。見許多閨女雙雙排行。穿奇妙青衣。戴冕旒過去。後又多穿白衣。愈尊貴過去。後又許多穿紅衣服。愈加奇妙。

過去。終見一甚光彩。母皇同去。修道人問其中一位閨女。是甚麼事。他說我們都是守童貞的。先穿青衣一班。是潔淨童身。但未定心堅守。未嫁而死。穿白衣一班。是定心守貞潔淨閨女。穿紅衣者。不但潔淨守貞。還爲義致命。這極尊貴那位母皇。是聖母瑪利亞。今令我們同到一閨女家。因其有病臨終。要帶他的靈魂昇天。修道者聞言。亦隨到其家。果見這閨女絕氣。靈魂出來。聖母送一奇妙冕旒與他。攜其靈魂昇天。

有一寡婦甚貧。臨終請鐸德送聖體。時一富貴人亦臨終。亦請鐸德送聖體。鐸德自往富貴家。另使一友。送聖體與寡婦領。其友到寡婦家。見聖母先在寡婦牀前。持巾拭他汗。數天神隨從。聖母見聖體到。卽跪。寡婦領完聖體。安然而逝。聖母攜其靈魂昇天。此友親見此事。後亦到富貴家。見其家盡是魔鬼。如飛鼠

一般。這貴人驚怕。辛苦喘氣。叫退去這多飛鼠。只見一強猛魔鬼。用鐵鈎鈎他口內。靈魂出來。許多魔鬼。卽拏他下地獄。可分開善死與惡死。該求聖母爲我託賴。方能善死昇天。蓋聖母係上天之梯。天堂之門也。

有一位名良者。善修道人。見兩樑梯子。從地到天。一是紅的。一是白的。紅的上。面有吾主耶穌釘十字架。那白的。有聖母在上。又見聖方濟。各上紅梯。叫衆人同上。有許多人發奮上。但少有到天。卽墜下。聖人見許多人墜落。便說去從白梯上。許多人就上白梯。容易到得天上。今聽這活。不可誤認不用吾主功勞。惟有聖母之託賴。能昇天。人得昇天。皆爲吾主功勞。但效吾主萬苦之表。獨聖人託賴天主。加助聖寵。及聖母祈求。方能爲善昇天。若衆人託賴聖母之求。容易得寵佑。能守十誠。因爲聖母是人神魂之母。懷抱軟弱兒子。養成長大。能效吾

主萬善之表。所以各人該求聖母。望他託賴。如兒子望母親一般。方能昇天享
永福。

或問如何望聖母。答曰。聖母既是吾衆慈母。深愛吾人。願吾人之好。願我之事。
如母願人子之事。吾人亦該望聖母。如人子望母親。或如小孩望聖母抱之。或
如赤子無德衣。望聖母抱煖求德穿之。或如孩子肚餓。望母之乳。吾人亦望聖
母。養吾之神。或如孩子污穢。望母洗潔我等罪人。求聖母轉求天主赦之。或失
路之孩喊母。我等罪人。失天堂的路。求聖母引之。或如孩見赫赫之形。望母抱。
我等見魔鬼引誘拉我下地獄。求聖母救之。或如孩子有病重。每每喊母親。我
等神內病。將陷大罪。失聖寵之生命。求聖母救之。

聖母可讚美

讚美聖母。爲他品位最高最大。具純全善德。天神聖人聖女。咸讚美之。但雖盡力讚美。總不能盡聖母奇妙。惟天主讚美聖母。能窮盡其美好。今說聖母許多奇妙可讚美處。天主賜聖母十二美恩。聖若望所見十二光星冕旒。在聖母頭上是也。一、是有天主聖母極尊高位。二、不染原罪。三、七情不擾。自甘順理。四、潔淨無缺。五、包含童貞。及爲母奇妙。六、始胎時天主賜他萬智學。七、是卽時成就萬善德。八、有知未來之靈明。九、潔淨貞體。死後不壞。三日復活。被福昇天。十、最近天主。在子耶穌之右坐。榮福寶座。高出諸天神聖人聖女之上。享極大永福。十一、爲天堂主母。諸天神聖人聖女母皇。十二、爲天下萬民主保。傳此十二箇美恩。就是讚美聖母。

念聖母諸經。亦是讚美聖母。蓋經內有聖母奇妙事情。聖母經。總牘中有最多

最好的。宜潔淨心念。所以念經之先。要悔罪。一少年習邪淫之罪。但常念經。向聖母。一日念經時。聖母顯見他。送好味與他食。但所盛之盤污穢。心厭不食。聖母說。子何爲不食。他說。主母。此味奇妙。獨盤污穢。聖母云。我亦愛爾所念奇妙之經。單嫌爾有污穢之心。他聽這話。就改過遷善。

念聖母經。要熱心念。昔有姊妹三人。日日念聖母經一串。過一年。聖母穿奇妙花服。顯見長的說。爾一年念經。成這件衣服送我。穿奇妙素衣。顯見次的說。爾一年念經。做這衣服送我。穿粗衣服。顯見第三的。云。爾念經一年。成這箇衣服送我。他說。主母。衣怎麼這樣粗。聖母說。是爾冷心亂念。他說。改過。用心念經。三位都誠心念經。後聖母顯見三箇女人。都是一樣奇妙花衣服。

念經向聖母有多樣。常念的。一是一百五十玫瑰經。一是六十三。爲聖母在世

上六十二年。總牘內有規矩可念。今畧述易學之法。念經時。可熱心向慕聖母。如子向慕母親。或專心誠敬。願中聖母意。如婢僕在主母跟前。或動心羞愧。如罪人在慈悲主母前。望其轉求天主赦罪。一時想自己的患難。一時想聖母大位大能大善。極大慈悲。念亞物瑪利亞。是恭敬聖母。念滿被額辣濟亞者。主與爾偕焉。女中爾爲讚美。這都是讚美聖母。念爾胎子耶穌。並爲讚美。是一心謝天主降生之洪恩。念今祈天主。及我等死候。是懇求聖母。生死爲我們主保。首先祈求。救吾人極危險的死候。念六十三聖母經。有許多聖跡。今單講一件。一少年。每日做一頂花冠。送聖母像頭上。心裏歡悅。想中聖母意。及過幾年去修道。不能做花冠獻聖母。心裏愁悶。告知會長。會長說。每日念六十三聖母經。更中聖母意。他就每日熱心念。一日念經之時。會長去探他。見聖母顯現在上。又

見他念經時。每念一經。口出一朶花。傍有一位天神。將花串上。及念完。成一頂花冠。送聖母頭上。及聖母去後。會長方問他。爾今做甚麼。他對云。念六十三聖母經。會長說。爾今熱心常常要念。遂將所見之事。說與他知道。

聖母善德可效

人子宜似母親。若似母親。母益愛之。若只貌似。善德不似。是恥羞母親。今聖母既賜恩。爲吾教中人母。若我們發奮效聖母善德。聖母極愛。益賜多恩。如放肆爲惡。是背忘聖母。何能受聖母之恩。與合聖母之意乎。聖母善德有多端。但十二善德。又是聖若。望所見十二箇光星冕旒。在聖母頭上。一成就於聖母。向天主信望愛敬四德。一成就於聖母。自心貞潔謙恭堅忍神貧四德。一成就聖母於衆人聽順良善慈悲仁愛四德。故云十二箇善德。須默想聖母事情。學其善

德。

默想聖母事情七端

遇一瞻禮。每日默想一端。或念六十三。想聖母事情亦可。

第一端

聖母始在母胎時。天主不許原罪染其神魂。加最大聖寵。能稱天主聖母之位。竝施諸般奇妙善德。又光他之心。能透徹萬智學。聖母時時加倍功勞。以成其至善聖母功勞極大。其故有八。一、是天主加聖母格外寵佑。二、是許多天神奉事護衛。三、是聖母本情。順理向善。四、是聖母沒有七情擾亂。五、聖母懇求天主保祐。爲得所求。涕淚嚴齋。勤做苦功。六、孜孜爲善。七、雖睡亦不斷爲善的功。八、撫養吾主耶穌。爲善有許多機會。所以從始在母胎時。到死後。無一刻不加倍

聖寵功勞。吾主耶穌。另加最大聖寵於聖母。故成至善極大之功。今宜敬聖母。效他孜孜爲善。無間斷。做苦功。懇求天主保佑。

第二端

聖母未妊母胎之前。聖人若亞敬聖婦亞納。二十年不生育。常求天主賜他有後。天主命天神諭他。過年當生一女。爲萬樂之緣。名瑪利亞。譯言一海星。一主母。一光照。一天主由我降來。懷孕九月。生下聖母。衆悅。三年在家孝敬父母。成萬善德。衆人見之。驚異其聰明。奇異其善德相稱。再三年。父母送他天主堂。獻天主。在童女院。熱心服事天主。十四歲。順天主所定配聖若瑟。共守童貞。爲後來守童貞表樣。時因天主聖神受孕。九個月。誕生主耶穌。爲天主之母。常謙讓。自稱天主婢女。順聖若瑟之命。今吾人該敬聖母。可效他貞德謙讓順命。

第三端

聖母撫養子耶穌。往避厄日。多國路上甘心受患難。懷抱吾主。在厄日。多國。住七年。受許多勞苦貧窮。後又携吾主回家。撫養長成。看吾主至善之德。效其法度。加倍自己之善。三十年。朝夕常同吾主一處。可想當日有何言論。做何功勞。看聖母莊重良善謙讓仁愛。當習學其善。吾主耶穌傳教三年。其奧言妙論。聖母咸聆聽之。又躬親中饋。以食宗徒。雖是天地母皇。但其心其情。極謙讓。極仁愛。爲吾儕愛人之儀表。

第四端

吾主受難時。聖母近在十字架前。心內萬分痛苦。吾主耶穌身體。受許多慘難。聖母俱受在心中。見吾主諸苦。如萬刃刺心。若欲明知聖母之苦。要他想他愛主

耶穌之情至極。聖母是閨女。其性情最易哀傷。聖母生耶穌無父。是以母情而兼爲父之情。又聖母極愛天主。則愛耶穌。是愛萬善之子。齊是愛至善至美天主。彼時見吾主受許多苦難侮辱。極傷其心。故除吾主苦難外。任受萬苦萬難的人。總比不得聖母之苦難。有許多聖人聖女。想吾主之苦。心中傷痛。或淚下濕地。或淚盡流血。况聖母親見耶穌受難。其心情大苦。又當何如。故稱爲義捨命者之主母。因爲聖母之苦。勝過諸致命者之萬倍。所以教中人愛慕聖母。心中哀傷。當效他忍耐。

第五端

吾主耶穌昇天之後。聖母在世十五年。爲教中託賴訓示宗徒。雖聖母不外出傳教。宗徒凡作重大事。必同聖母商量。但聖母在教中人面前。謙讓極尊敬宗

徒。天下奉教人。往見聖母。及旋家。無不讚美愛慕。聖母常顧人靈魂事。使之成善。加倍功勞。聖母每日領聖體。身居世上。心在天堂。默想天主事情。世間無有人。天堂無有天神。能全講聖母善德。我們可敬其尊位。可愛其善德。可敬其純謙。

第六端

聖母極願昇天。諸天神常懇求天主。見天堂主母。及到天主所定之候。聖母功勞完滿。天主使天神嘉俾。爾。報聖母上昇之期。復命天神。傳示天下傳教之宗徒聖人。盡歸見聖母。聖母無病。降福衆宗徒。極願見天主。時吾主耶穌降來。聖母神魂。遂離潔淨身體。吾主耶穌迎接其神魂昇天。宗徒收殮聖屍。教中送葬。沿路讚美。天神在空中。跟隨唱頌。可看善死之福。該效防備善死。

第七端

聖母死後。第三日復活。是吾主耶穌全能者。命聖母神魂。回合肉身而活。靈魂之福。發出照光肉身。吾主耶穌接之昇天。諸天神諸聖人聖女歡喜。拜賀聖母。稱爲衆主母。天地母皇。聖母之榮福。萬倍比不得。天上天下。有極大權。我們亦當欣喜。可敬可愛可望如母。可效其萬善德耳。

或問效聖母功德如何。答曰。每情聖母事。想七端。每念其向天主信望敬愛四德。其智義勇節四樞德。其神貧自謙聽順忍德。其貞潔良善慈悲仁德。而心中發其萬德。奇妙可愛之像。留心中常看爲表。熱心願效。日日察實效否。每每求聖母轉求天主。加神力能效。

終日愛敬聖母便易法

早起感謝聖母。一夜護我。求聖母降福祐我。整日善行百工。後或念經。或出門。或食飯。或始行百工之先。又求聖母降福。至做百工完訖。復求聖母轉祈天主。赦我差錯之行。每日或念一百五十玫瑰。或念六十三聖母經。每晚臨睡時。先又求聖母降福。保護我一夜平善。

吾主受難不可忘

吾人爲原罪。又爲本罪。都該下地獄。天下無有人。天下無有天神。能救贖人罪。天主哀憐吾衆。親自降來。救贖我們。又非易事。是降生爲人。擔吾人罪。替我們受最多最大凌辱苦難。釘死十字架上。以救贖萬民之罪。觀吾主愛吾人之情。至極。人當自忖。若有好友愛我。能救我死於危險。我當如何愛他。必然常懷在心。感恩不忘。况全能天主。至尊至大。爲救吾人。免下地獄。受許多苦難。釘死。如此大恩。決不可忘。卽吾主耶穌。亦極願吾人。常懷其苦難在心。所以立聖體。立彌撒。爲受難記號。使人常思念不忘。聖甌滿多。幼年常默想吾主苦難。吾主耶穌。亦以幼年形像顯見他說。爾要免下地獄。勝魔引誘。備諸善德。獲善死。中天主意。每日當想我苦難一端。方濟各聖人。一日大聲號泣。一人見之。想必受大

難。問其故。聖人說。我之號泣者。因世人多不記得吾主受難釘死。皆爲吾衆。又吾主耶穌。顯見聖女日兒。度德說。若人熱心看我苦像。我亦看顧他。啞而伯多大云。記得吾主受難益人。勝過一年食麪飲水之長齋。并勝過每日鞭策流血。并熱其心。念達未聖王所作一百五十經。又吾主顯見聖女默弟而德說。我在十字架三箇時辰聖過他。今人尙拜十字架。何況人懷我之苦難在心。聖過他心。其至善又何如。

想吾主苦難。易能改過遷善。福綾際亞府。有一位聖人名希波利多。乃大善者。對門有一不善女子。每日照鏡裝飾。聖人見之心悶。計欲化他。於是使畫工畫吾主苦像。聖人時時對看苦像。如照鏡裝飾一般。這女人不見苦像。但遠見他如裝飾像。想他亦是照鏡。心中喜悅。便云吾師。將爾的鏡與我照看。聖人將苦

像送看。說此是我所照的鏡。那女人見吾主苦像。就痛悔已罪。棄世間樂事。改過遷善。又有一不善女人名嘉大理納。是多罪之緣故。吾主顯受難之形像見他。說看我爲爾的罪。受許多苦難。爾今如何尙敢得罪再傷我。他聽此語。卽改過遷善成聖女。依斯把尼亞國。有一善閨女。其母強帶他看戲。彼時見吾主苦傷顯現空中。說女子。在此何事。試看我傷。今做戲的又傷我。閨女卽說與母知。其母卽回家。數日後。此女立志往貞女院守童貞。不是得罪。真正又傷吾主。今吾主被傷不得。但得罪是輕忽吾主。如又釘吾主耶穌十字架一般。聖伯爾納多解說。人得罪。是刺吾主五傷。一、輕忽全能天主。二、辜負吾主苦難。三、污穢自己靈魂。四、預定下地獄之罪。五、失天上永福。

想吾主苦難。不愛世樂。聖女利多呱兒。大十二歲時。心裏願嫁。吾主顯見他。開

胸膀之聖傷。與他看云。不可愛世樂。其心卽時更變。最恨世上僞樂。

想吾主苦難。則天下萬苦。都甘心能受。聖人若望。掛而德畧。初修道時。守不得修道嚴規。所食的麪。粗糲難食。定志回家。出門時。遂收一塊。留與人看。途中遇吾主顯見。問他往那裏去。他將麪與看說。爲此食不下。所以回家。吾主開胸膀說。看胸傷。然後食。他依吾主之命。食有奇妙美味。吾主說。不可輕棄修道。若遇諸苦難。想我之苦難。就甘心受。衆致命者。樂心受多苦。都是爲想吾主之苦難。想吾主苦難。能勝魔誘。聖伯爾納多云。若魔鬼引誘。走入吾主胸傷內。聖人師索。心悶。魔誘他失望。就聽見有聲說。起來。想天主耶穌苦難。便平安。依撒伯爾童女。常想吾主苦難。吾主耶穌常在其身傍。魔鬼引誘他。吾主打他胸。魔鬼就避。

想吾主苦難。能成善德。因爲吾主釘十字架。是萬善萬德之表。一幼年念經時。見山上有奇妙府城。萬種妙樂。都聚此處。一心願往。但有一條血河。兢兢怕過。見多人在血河內。洗己衣服。又一少年。助他們洗。幼年問他是甚事。他說我是耶穌。那多位是某會修道人。想我之苦難。用我血之功勞成善。爾所見府。就是天堂。若爾要到天堂。可同他們修道。他就進會修道。見會中多友。熱心愛天主。果見與前在血河洗衣服者無異。想吾主苦難。可得善死。一少年係聖方濟。各會。新修道人臨終。在天主前審。甚驚懼說。秤準準。復驚怕說。上我功中吾主一滴聖血。就說于今好了。少時神定。問他何故。他說我在主前審判。我功勞在太平一邊。我罪過亦在太平一邊。見我功勞輕輕。我說秤準。復秤又輕。我甚驚。乃說。上我功中吾主一滴聖血。一上聖血。我功就重。謝吾主判我昇天。語畢。安然。

而逝。聖女默弟而德瞻禮六日。遇吾主釘十字架之時。失神見在天主前審判。聖母諸天神諸聖人同在。他想日後公審判之時到了。聖母告云。爾懈惰順天主命。天神告云。爾冷心愛天主。聖宗徒告云。不十分守我們所傳之教。諸聖人告云。爾輕忽我們萬善表樣。默弟而德就跪吾主面前。求爲吾主的五傷救己。吾主說。爾今將我五傷奉天主聖父。爲赦爾罪。此可見天主審判之嚴。這聖女沒有大罪。尙畏懼。若人不用吾主苦難。補自己之罪。必是可懼。有一大罪人。臨終不想解罪。聖人方濟各波兒。咱聽知此事。憐其靈魂。求吾主增加寵祐與他。吾主耶穌顯見這聖人說。爾去勸他。我亦同爾去。於是就到此罪人家。勸他不聽。吾主指引他五傷說。我受難散血。爲爾靈魂。爾今悔罪。用我的血。能滅爾許多罪。這罪人亦不醒。吾主同聖人兩次勸他。他都不聽。吾主說。我的血。判爾下

地獄。

用吾主苦難。懷念五傷。齊忍心受難。可得永福冕旒。聖良云。若吾主苦難中有分。真得所望永福。聖保祿於聖經內說。若同吾主受難。亦同享榮福。聖女裏都依納。見天神持一頂冕旒。尙未成。與他說。看爾的冕旒。還少幾許寶石。可受些苦難。成就永福冠旒。如今寫吾主受難七端。爲一箇瞻禮。每日想一端。一端之內。分爲三分。七日一迴。又寫善想之法。

吾主苦難七端

第一端想主平生之苦

首分想。吾主自降孕之時。到死之日。心中永受多般苦難。一是吾主擔我衆罪。願補贖。心懷後來可受衆苦。如現受一樣。皆如衆刀傷他之心。又吾主想天下

有許多罪。過許多忘恩之人。輕忽天主。吾主耶穌。於人性之情。極愛天主。則極痛苦。二分想。吾主極愛人。見萬民受萬罪之害。又見萬人忘恩。辜負己苦難。要下地獄。不能不發深重焦悶。三分想。吾主極愛善人。預見許多善者。受難致命。行苦功。有疾病等。吾主慈悲之心痛苦。如父見子苦難一般。又預見聖母。看其被釘在十字架上。如刀刺其心。吾主不能不愈加苦痛。又吾主懷我們在心中。見我諸般苦難。諸般罪過。諸般危險。如衆刀鎗刺吾主慈心。我今可想吾主如何愛我。當定心極愛吾主。常懷吾主苦難心中。

第二端想吾主祈求聖父汗血

首分想。吾主受難前一日。爲證他真是人。又爲自願受難。是夜在日色瑪尼園中。想己將受諸般苦難困苦情狀。畏懼焦愁。與伯多祿雅歌伯若望三位宗徒

說。今我神魂悶極爲將死也。二分想。吾主指引克七情表樣。去求天主聖父。俯拜稽首說。聖父。如其可也。願此苦難之爵。免我不飲。如其不可。勿允我願。惟聖父之旨承行。肉身雖軟弱。神魂強健。三分想。吾主如此再三復祈。發奮汗血。流濕至地。起命宗徒。同迎縛我者。今可效其發奮。行難做之功。以克七情。若不能。要久求天主。加我寵祐。克勝七情。

第三端想吾主被縛終夜難爲

首分想。吾主全能者。爲吾人罪。許惡人縛他帶送亞納。蓋法斯。二古教官審問。兩惡官恨吾主。遂逆理判死。掌唾吾主聖面。二分想。衆惡官難爲吾主。至力倦之時。方退與惡役。後惡役蔽吾主聖目。擊打。問其誰打。嘻笑凌辱。終夜不休。三分想。吾主爲我等罪。如羊羔良善。不出一聲。忍耐受之。可效吾主忍耐。須極愛

慕感恩。自忖吾罪人。該受諸苦。而吾主至尊。甘心替我當受。

第四端想送吾主與般雀比辣多

首分想。吾主被古教衆官。送於般雀。比辣多。妄告謀叛。及自稱天主。吾主耶穌。并不出聲。比辣多。驚異。恐其傷他。若不命釘吾主。又怕古教衆官作亂。二分想。比辣多。轉送吾主黑羅德王。王見吾主心喜悅。願看聖蹟。問吾主多言。吾主耶穌爲他是惡人。又妄希聖跡。不出一語。王與衆官。俱忽吾主如病狂者。遂皆哂笑吾主。衣以白衣。復命送回。比辣多。三分想。吾主爲我罪人受凌辱。着狂衣。綁縛如罪人。往來街道。吾罪人該想當作何事爲吾主。

第五端想吾主被鞭撻茨冠

首分想。比辣多。計脫吾主耶穌。將吾主與盜把臘罷斯。命民放那一個。忘恩的

民。聽古教衆官囑。寧放盜把臘。罷斯而釘吾主耶穌。二分想。比辣多。命惡役。脫吾主衣服。綁縛石柱。鞭撻五千餘下。傷吾主聖軀。聖血傾流。聖驅碎破。三分想。惡役另作茨冠。加吾主頭上。敲擊入腦。血流滿面。可想吾主。爲我罪人。受盡苦難凌辱。我等思想。當如何以報吾主大恩。

第六端想吾主自負十字架

首分想。比辣多。見吾主耶穌被傷形像。指示民看。人已至此。可以止矣。惡民叫離去離去。釘他釘他。比辣多。懼民亂。遂判定十字架。二分想。吾主耶穌肩負十字架。往嘉爾襪畧山。路遇聖母。傷痛母心。聖女物樂尼嘉。憐吾主。用巾拭吾主耶穌聖面。巾上卽印聖面苦容。三分想。吾主行路軟弱。三次墜跌。惡役恐吾主或死途中。致不能釘。強西滿濟勒。擣代負十字架。今可願代吾主負十字架。又

願傷痛吾主苦難。心內印吾主苦像。

第七端想吾主被釘十字架

首分想。吾主至山上。惡役脫其衣服。釘手足於十字架。豎立當空。聖母在架傍。痛苦如釘透入心中。吾主所受許多傷。都聚聖母慈腸內。二分想。吾主耶穌釘十字架上。受許多凌辱。反淚懇聖父。赦惡人罪。我輩可效吾主良善心。三分須看吾主從首至足通體全傷。懸墜於三釘。皆爲我罪。是時日蝕地震。山裂石破。種種無靈之物。尙且哀傷。乃吾罪人之心。獨漠然不動。罪也何如。

想吾主苦難之法

一想是誰人受難。就是吾主全能者。至尊至貴。至智至聖。至義無罪。沒有害人。還賜人許多恩。他肉身細嫩美麗無比。又是中年。有大聲名。而受許多苦難。許

多凌辱。

二想爲誰受難。就是爲釘他之讐人。爲罪人。爲我鄙賤忘恩之人。

三想主受難爲何故。不是強受難。不是望報功。卽人盡下獄。不減他福。若盡昇天。不增他福。單爲愛我們。不是我人有可愛之事。是吾主本心至善。有愛人之至情。預知我等忘恩無情。放肆邪樂貪虛利。願虛榮。而輕忽吾主勞苦。不想永福。此事雖極傷吾主心。但不絕其愛情。還要人人得永福。亦願爲人人受難死。若可再死。亦甘心多次釘死。聖嘉而波。願天主罰一大罪人下獄。吾主帶十字架顯見說。我情願又受難。爲免罪人下獄。又與聖女比理濟大說。若可屢次受難釘死。爲免地獄衆靈魂。我亦甘心受難。爲箇箇靈魂釘死屢次。

四想受何等苦難。是全體百肢五司靈魂都受本苦。首刺徹腦。血流滿眼。面受

掌唾。口受乾渴。舌嘗苦味。髮鬚被拔。頸喉被綁。兩手受縛。掌足受釘。全體被傷。聖身汗血。肩負十字架。行一千三百二十一步。受許多侮辱詈罵。而釘十字架。是天下極大凌辱。極大苦難。

五想誰苦難吾主。就是萬民之罪。第一是我許多可羞之罪。又是古教官。及修道士人本國之民。忘恩之人。卑賤皂役。一概慘害吾主。又宗徒怕走。聖母心中痛切聖子之苦。天主聖父。嚴令還補所擔萬民之罪。此等事。皆加倍吾主之苦。而總沒有安慰。所以吾主耶穌在十字架臨終時。大聲嘆說。吾父。我在萬苦內爲何棄我。此時天神哀恤哭泣。日蝕。天主古堂帳幔門裂。山崩石破。墳墓闢。古聖多復活。單吾罪人之心。漠然不動。

六想吾主愛我熱腸。受許多凌辱苦難而死。爲救贖我。我該如何愛吾主。又看

吾主慈悲順命忍耐。我當思倣效。

七想吾主受難。有何意思。一是滅我萬民之罪。二成萬民善德。三免吾衆下地獄。四傳無窮功勞於吾人。五是爲吾人享永福。六奉天主無限尊敬。七補還天主侮辱。準齊天主無限恩義。

八想受難日。是值大瞻禮。天下人都到日露撒稜府京城拜天主。是在萬衆人前受辱。

九想我罪人。曾做何事爲吾主。須定日後該做何功。

想吾主耶穌苦難心中動何等情

其一。心中發悔罪之情。羞愧我無情忘恩之人。恨怒邪樂。爲我罪。天主聖父。令至善至尊聖子。受難釘死。若我不改過。豈不辜負吾主許多苦難。深可驚懼。必

不免受重罰。一幼年在外省讀書。看世上事物。皆是虛的。心願修道。解罪時。同鐸德商之。鐸德說。此是奇妙之事。但不可輕易。先在家裏修道。默想天主事情。做苦功。求天主光爾心。能明白天主聖旨。若天主賜爾修道。必然加寵照。方能成就。他順從其命。在家修道數月。後又同鐸德商說。我念經求天主光我心。益知是天主聖旨。令我去修道。鐸德審其默想做苦功等。修道之事。亦知是天主聖旨。令他去修道說。子該卽去。他云。我且歸本府。辭我母。鐸德說不可。爾母不許子順從天主。他云。我定志修道。先去辭母親何傷。鐸德說子差矣。不可去辭。他不依鐸德言。竟去辭母。其母淚說。吾兒家裏修道。有銀可施窮人。亦能做得好事。他卽聽母言。不順主命。及用銀。又不施與窮人。且肆欲作邪事。已過多年。亦不改過。一日請友飲酒。盡日肆爲。及半夜。其弟勸說。大兄可令衆人安息。爾

亦該去安息。彼云好。於是眾人皆睡。及過一刻。聽得此人叫苦。說帶我帶我。其弟想是戲言。說大兄待我們睡罷。過一刻復叫苦。說帶我。其弟又說大兄待我們睡罷。又過一刻。遂大聲叫帶我。其弟去看。見他在地下說。第一次是在牀上扯我。我叫。第二次是扯我半身在牀外。第三次叫。扯我落地。今快請鐸德來。我要解罪。及命人去請時。乃對主苦像講。吾主哀憐。我主耶穌用聖經言語說。我叫爾。爾不順。今臨死。我笑爾。又云。我的血。判爾下地獄。他就死。魔鬼拿他靈魂。并肉身。同下地獄。鐸德到時已死矣。可知辜負吾主的萬苦。正是可畏懼之事。其二。心中發驚異之情。看全能天主。爲我卑賤罪人。被綁審判。毒打釘死。思想吾主無限慈悲。愛我無窮之情。罰罪無盡之義等。必不能不驚異。聖方濟各一日行市。大呼人聽奇異事。許多人來問。有甚新奇。聖人說。全能天主。爲吾衆罪。

受難釘死。諸人說。此話我們久知。聖人說。既知此等大事。豈有不驚異。高聲叫喊。大發心中愛情。

其三。由驚異之情。動心中至愛之情。看天主如此愛我。必不能不愛天主。譬如有人愛我。爲我受危難而死。我已不能不愛他。况天主之愛。萬倍比不得。天主愛人最多奇異。一是至尊天主愛人。如人君愛人。雖不賜恩與人。人皆仰其有福。但君亦是人。不能免得不死。天主是常生常王。無限無量。至尊至貴之主。人君之情。容易改變。天主之情。永久不變。故天主愛人。是人大福。二是天主愛人之情。是無限。由本情而施。其恩最大最多。無比之功。生天地萬物爲人。雖是大事。還比不得降生贖人。又甚大事。亦未滿天主愛人之情。雖受許多苦難。許多凌辱。流散全血釘死。死後又傳寶死之功勞與人。還若可。又受難被釘死。爲救

下了地獄之人。必又屢次甘心受難被釘死。三是天主愛人之情。不是徒愛。是施與人無限寶藏。將自己生命。自己之血。並其無盡功勞。皆施與人。四是由吾主苦難神恩。超過天下奇妙。罪人免做魔鬼之奴。救他不下地獄。洗淨他神魂。做天主義子。可昇天享永福。五是世上由寵愛合天主。天上由永福合天主。是人與天主如一體。真是無限之愛。六是天主愛人之情。行此大事。不望受利益。七是天主愛人。不是爲人先愛他。然後愛之。蓋人先是天主之讎。可惡的。天主哀憐他。反爲他受難。以上七端。都可感動我心去愛天主。天主降生受難死。爲發人心聖愛。天主每行發愛之情。今講吾主許多功行。爲發人聖愛之火。有一修道人。要棄修道。可放肆爲惡。路遇一人阻他。問他今往那裏去。他說爾何管我事。此人卽是吾主。隨開衣服。指示五傷說。子看爲此之故管爾事。此五

傷。是爲爾受。他就改過修道。

又一賢者。棄世福之光榮。去修道。其母貧窮。怪他忘恩。我生養爾。今爾棄我。令我無倚靠。他聽此語。跪天主臺前祈求說。吾主真是吾母養成我。今不可棄他。吾主顯見說。爾母愛爾養爾。我不愛爾養爾乎。遂指五傷說。看我如何愛爾。爾之母亦是我養他。爾何必怕。他聽吾主言。就甘心修道。聖人大定。在苦像前念經。極熱心。以口親吾主之足。吾主抱他。額上刻有十字聖架。聖女方際。嘉見由聖五傷發出來。似光火愛慕之鍊。能綁衆人之情。使一心愛天主。今人想吾主如此愛人。可效如此愛吾主。

其四。心中發感謝之情。凡人想所受天主之恩。便動心感謝。但人有何事。可謝吾主洪恩。若奉其生命。及天下萬物。尙且不足。惟知恩報恩。奉主之心。同吾主

無限功勞方可。聖女德肋撒。看所受天主許多恩。還不得。心甚悶。吾主耶穌顯見他說。爾將我之生命。我之血。我之苦難。我之五傷。奉獻於聖父。因爲吾主之功勞。生命聖血等。都是施於我們。憑我們用。以奉於天主。若吾人用此奉獻。必能謝天主之萬恩。

其五。心中發望主之情。看吾主受難死。贖我們罪。免吾衆下地獄爲得永福。便能望受此大恩。又看吾主做此種大事爲我。則別項小事。又何不可望。聖奧。吾斯定說。吾主五臟流散慈悲。是由五傷流出。或說我求天主恩。有何事送獻於天主。爲能望准我求。答說。奉吾主五傷。聖血寶死於天主聖父。天主不能不愛我之奉。無有不准。豈可不望。

其六。心中發愛人之情。願求萬民。得享永福。看吾主受許多苦。爲衆人昇天。若

人愛天主。必願人人不負吾主之苦。又見至智天主。如此重人靈魂。爲人免下獄。得永福。故受難死。豈有人不貴重人人靈魂。願都昇天。定心勸人行天堂之路。

其七。心中發哀傷之情。看吾主爲救我。受最大最多苦難。心中必然哀傷。吾主之苦。聖母哀傷。聖子耶穌苦難。吾主萬苦便發出聖母心中。如人照鏡。鏡中發其像一般。在世時。常常哀傷。聖女嘉臘。滿德法。而各有十字架。及三釘。茨冠。柱子。鞭子。諸般苦難器具在中心。死後其心不爛。果見至今尙存。有聖人聖女。爲哀傷至情。見五傷在手足胸中。茨冠在首。有淚下濕地者。有淚盡流血者。有一位在外教人國做奴。常悶下淚。其主係國王。問他何爲涕泣。他云。小的之涕。非是爲奴。是記吾主耶穌。爲我受難釘死。國王說。我是爾活主子。不可涕泣。爲釘

死之人。他稟說。吾主耶穌今活在天上。主宰天地。我記他在世之時。爲我受難。不能不泣。吾主苦像。刻在我心。不能不記得。國王大怒。命殺之。破其胸。真見釘十字架。吾主像在其心中。王及國人。親見其事。舉國奉教。

其八。心中願效吾主受難時現見之德。一愛敬聖父。二仁愛人。三順命。四謙遜。五忍耐。六剛勇。七輕世情。最當效之德是忍耐。看吾主爲我罪人。受許多苦難。必然發奮。甘心受難爲吾主。一新修道人。穿破衣。忍受不得。思要出會不修道。及夜夢見一至尊者。負十字架。極重難行。辛苦流汗。這新修道人哀傷其苦。要幫他負十字架。吾主說。一粗衣服。既忍受不得。豈能幫我負十字架。驚醒知爲吾主出現也。遂立志修道。聖人若望。法文地諾。先是罪人。後改過遷善去修道。會長欲試他。看肯專心務道否。屢屢責備他。一日會長嚴加責備。他心中含怒。

未發。勉強克己。胸中鬱悶。吐血。便將此一把血。向吾主苦像說。吾主你看我受許多苦爲吾主。吾主耶穌指引脇傷說。看我受許多苦難爲爾。聖人伯多祿。致命者。幼年修道有人妄證他有大罪。他雖沒有。亦不辨。但說我是罪人。會長責備他日久。一日跪苦像前訴吾主。我有何罪。以爲受許多苦難。吾主顯見說。伯多祿。我爲何罪釘死。若人願中吾主意。要效忍耐。

今一總畧說。看吾主被釘十字架。可愛可哀傷。可定心。戒諸般邪樂。忍耐諸苦難。

向吾主五傷

吾耶穌受難之時。聖體全被傷。復活之後。其傷盡沒。單留兩手及足胸五傷。是爲愛吾人之記號。又爲罪人之託。天主聖父。看五傷。便憐我罪人。吾人看五傷。

便熱心愛天主。五傷是勝魔鬼之兵器。受難之安樂。功勞之寶藏。衆人之望。念五傷經。總牘內。有最妙念法。有大五傷經。有小五傷經。我今畧講其說。

向五傷。每一傷念天主經五遍。聖母經一遍。想吾主之苦。並聖母哀傷之情。向左足傷。痛悔罪求救。向右足傷。定志改過。求賜寵庇。勝魔鬼誘惑。以成善德。向左手傷。求免下地獄。向右手傷。求得昇天享永福。向脇傷。求愛吾主及愛聖母之情。嘉樂國公。每日施衣五件與窮人。爲謝五傷之恩。亦有人每日做五樣苦功。聖厄而瑪諾。每日向五傷拜。讚美吾主。謝其贖世之恩。一日吾主耶穌顯見他。許他親口吸五傷。聖女方濟嘉。見由五傷。發出大光。照人之心。有許多人。由一傷照光。有許多人。由兩傷照光。亦有由三傷。由四傷照光。惟由五傷照光者甚少。因爲少做本分。故少受全恩。

吾主顯見一聖女說。若人軟弱。心中得罪。我便爲他罪。奉我潔淨之心於聖父。發之於事得罪。我便奉手足傷於聖父。卽釋義怒。吾人得罪。亦該奉五傷。爲吾主憐我們。一聖女求吾主訓他。善謝受難之恩。吾主說。爲兩足傷。奉爾之心情於我。爲兩手傷。奉爾之功勞於我。爲脇傷。百凡事務。定順天主意。聖母顯見聖女默弟而德說。向吾主脇傷。謝寵愛。向右手傷。謝加寵照。向左手傷。謝爲萬苦之慰。向右足傷。謝吾主在世三十三年。熱心忻勤。行贖世之功。向左足傷。謝爲由此傷。求得赦罪之恩。

又向左足傷。痛悔罪。向右手傷。效吾主善德。向左手傷。求仁愛之德。向右手傷。求愛天主之情。向脇傷。求永福願欲。

已上所書諸規矩。拜五傷時。憑人擇用。

終日記吾主苦難法

一、早起時。奉百思言。行於吾主耶穌。爲謝受難之恩。二、終日每每想吾主受難。爲贖我。而敬謝其洪恩。三、凡做各工。可合吾主苦難。合吾主功勞。齊奉於聖父。因爲若做百般工夫。合同吾主功勞。方爲有功。若不合同吾主功勞。都是虛的。四、諸般求。都要求爲吾主苦難。方能准。五、求吾主赦罪。爲吾主苦難。必可望赦。六、夜睡之前。痛悔我罪。求吾主脇傷內。收藏我神魂。

善生福終正路 … 卷下 吾主受難不可忘

一百四十

福終之法

大賢云。永存記死者。是大智學。聖經說。賢者之道。是避死後之害。有兩賢往高年聖人處。欲聽善德言語。問多話。聖人默然不聲。賢人說。特來求教。聖人答云。賢者之行。是靜心。默想死者。

小西洋。有古賢教外人食飯。用鹽置骷髏內。此事雖異。有奇妙的意思。指引賢者之智。若不存記死者。則無味。教中人不可必鹽置骷髏內。但常想何能善死可也。

古賢人把拉。當使門徒住將傾之屋。令其存念眼前死亡。蓋真智學。是爲善去惡。凡人想死。便速改過遷善。雖知世上萬學而不知死後事。則死後都用不得。一少年縱肆。後解罪。鐸德所命罪罰。不肯依行。鐸德說。爾去牀上睡一刻。如臨

終一般。手持吾主苦像。求吾主哀憐爾。然後再來。他依命做。天主開明其心。卽時痛悔下淚。回到鐸德前。求令甚大罪罰。都肯依命做。就改過遷善。

一大罪人告解。鐸德所令罪罰不肯做。鐸德送一隻戒指。有記死兩字。令他時見戒指。看此兩字。不過半日。他回到鐸德跟前說。命我甚大罪罰都肯做。可知記死。不但利人去惡爲善。亦令人善管其事。古皇帝登殿日。百官萬姓皆朝拜。石工亦帶寶石數塊。問皇帝用何寶石。起成墳墓。今立教化皇時。燒麻筋說。聖父。此世上光榮散去。如此火光一般。

死者可畏有多端。其一、離去所愛親友財貨。亦棄己肉身。其二、死是免不得。其三、死之時候不知。其四、死只是一次。若有差惡死。便受永害。無法可救。其五、死後之事。又不知好否。極是可畏。蓋死後所來的。或是永苦。或是永福。旣不知。豈

可不畏。有許多聖人。一生常念善死。尙且畏之。我罪人一生亂爲。是昏迷于世上事情。何敢不畏乎。

聖人亞而瑟。是兩位國王之師。後棄去往深山修道。在山中六十五年成善。有許多修道人。去學他善德。王幼年受他責罰。發怒。後登王位。聞他有大聲名。致書與聖人求救罪。送數萬銀與他云。若不要用。求將此銀施濟貧窮。聖人不肯回書。只口云。我求天主赦吾衆人罪。不受銀物亦不須用。若王肯施貧。有許多人可捨施。我修道之人。不管此事。聖人在山中六十五年。如太陽光照天下。至百二十歲。臨終亦畏。近傍修道人說。老師何畏。聖人說。我六十五年修道。常求善死。常畏此時候。今由聖人所言。則死時是極可畏之事。若不畏。不防備。就恐有惡死。故善死是世人所首先。極當願之事也。

平生防備善死

平生防備善死。有許多故。一、爲人不知死之時。若未備而死。免不得下地獄。列品禱文云。於卒爾死。主救我等。二、爲善死得永福大事。一生該做。三、是只一次死。該刻刻防備。爲得善死。譬如人君觀射。中有賞。不中有殺。人若未習熟射箭。豈有不怕之理。四、是世俗魔鬼、肉身、三讎同盟害人。難得善死。吾人該常常防備。

防備之法

其一、要存記天主。令我預前防備。常常默想死事。世上沒有定居之所。常如逆旅一般。天堂乃永居之所。若見世界好事。可想天上更有奇妙好事。世界雖有極大福樂。比不得天堂之福些須。故吾心常要在天堂。若遇患難。想天主事。便

化爲烏有。若能忍受。則患難爲天堂之路。其二、勤積功勞。預聚財物於天上。是行十四哀矜之事。若是勸人爲善。救人靈魂更好。聖經說。勸人改過遷善。是救自己靈魂。免下地獄。其三、做百工。該做爲中天主意。慎細善行如將死一般。其四、早起時。想今日是我命終之日。勤積功勞爲死後。其五、晚睡之先省察。想若今睡時。或忽然死。卽可善死否。其六、恒習悔罪信望愛天主。常常心中該說。我信天主聖教諸端。願致命爲天主。寧可死。決不可行異端邪術。堅心望天主憐我。赦我罪。加我寵照。改過遷善。賜我昇天。得享永福。望此不是倚我功勞。是賴天主無限慈悲。吾主寶死無窮功勞。及聖母尊貴之祈求。愛敬天主萬物之上。定心再不敢犯天主命。寧可死。不可得罪。感謝吾主爲我受難而死。想今是積功勞之時。不可空過。其七、守修身及治家之法。其八、每年大瞻禮。或每月定一

日恒習善死。先善告解。領聖體。如將死一般。後求聖母爲善死主保。求護守天神。本名聖人。亦隨意任求那位聖人。轉求天主。賜我善死。定心守善死規矩。到底常想永福永苦。見世樂世苦。如灘水急流。若慣習重罪。要拔除罪根。斷去罪緣。

瑪施糜良國王。未死之前四年。命造成棺木。出行常帶。人都想他內藏寶貝。但賢王之意。是防備善死。收靈魂永存之寶藏。弗爾地喃。多是第三箇。此名國王。每日半箇時辰想死者。防備善死。嘉樂大國王。未死之先。使太子爲王。放棄許多國去修道。防備善死。其未棄國前五年。合造棺木。凡出行。隨處帶貯臥房。如寶藏一般。

近備善死之法

其一。有病時。想天主命我防備。不可憂悶。該順從天主所命。求醫士早告我病。急。萬不可聽用邪術。細心拔去魔之引誘。忍耐病苦。想是將到天上之路。其二。速解罪。領聖體。及臨終求傅聖油。其三。向永福。每每痛悔我罪。祈求消化在吾主寶血內。常求吾主。爲他五傷赦我。信望愛天主。常收存心中。若不能講話。亦不可忘記。其四。向吾主耶穌。聖母瑪利亞。常求保佑。亦當求護守天神。本名聖人等。轉求天主爲我。其五。若有銀子。常記得施與貧窮之人。及送聖母仁會。爲我靈魂。其六。若病愈。要守病時所定之心。改過遷善。修身治家等事。事天主。求聖母。克肉身邪情。願靈魂之大。如此惟能善生。方能福死。同志之士。願共思之。

下卷終

